

Igisekuru Cy' Itorero Ry'I Lawodikiya

Jeffersonville, Indiana, USA

11 Ukuboza 1960

1 Yoo! Ntiyigeze abirangiza. Naribwiraga nti "Nakererewe ku munsi w'ubukwe bwanjye, navutse nkerereweheo gato, ku munsi w'ubukwe bwanjye, nahageze nkerereweheo gato; iyaba nazakererwa umunsi wo gushyingurwa !" Aho ni ho nakwifusa kuzakererwa, rwose ngakererwa!

Oya, byatewe na telefone zahamagaraga ndi mu rugo; urebye sinashoboraga kugenda nyuma yuko umugore wanjye n'abandi babaga bagiye kare cyane, narimfite ibintu byinshi byo gukora. Hanyuma, hari abo bantu baturutse ahantu hatandukanye, ku bw'amasengesho; bari bamaze kwinjira; ihishura ry'Umwami ryaje kuri mwene Data, mushiki wacu hariya inyuma, wari urwaye. Murumva icyo nshaka kuvuga; ni ngombwa gukora ikintu ubudacogora. Ndetse sinashoboye guha ikiganza bamwe mu nshuti zanje z'i Georgia n'ahandi, n'aho muri Canada! Ndababaye ko ntashoboye kubaramutsa.

2 Kandi ku bijyanye n'ibyo, uyu mugoroba, Fred ari he, Fred Sohtmann? Fred, muribuka igihe mwampamagaraga muri muri Canada, mumbwira ko muje, noneho nkababwira kutaza mu ivatiri, nyamara n'ubwo bimeze gutyo mwaraje. Yakoze impanuka urebye yangije neza ivatiri ye, yari agiye kwica umugore we, umuryango we; hanyuma izuru rye riravunika, kandi bose bagiye mu bitaro!

Habayeho igihe, mu gihe niteguraga kugenda, urebye byari saa sita, mwene Data Ben wari uri aho hanze, yaranyegereye. Na Rosella yaje aho; aravuga ati "Ndatashye mu rugo."

Naravuze nti "O Rosella!"

Aravuga ati "Ni iki, Mwene Data Branham?"

Ndavuga nti "Ndumva ntazi uko meze kubujyanye n'ibyo!"

Aravuga ati "Hari ikintu kiri bube?"

Ndavuga nti "Simbizi. Ndabona ko Hari ikintu cyamburiye."

3 Hashize akanya gato ampamagaye ati: yakoze impanuka. Ariko nta muntu wakomeretse, kandi cyari ikiganza cy'Imana. Yaragiye (hari hari urubura mu majyaruguru), agera muri Indianapolis, atangira kurenga umuhanda yihuta cyane. Ubwo arataka ati "O Mwami, mfasha!" Ivatiri yarongeye irakata, igaruka mu muhanda, igaruka mu nzira nziza ikomeza mu buryo busanzwe. Akomeza umuhanda we, noneho aribwira ati "Yoo ! Mega ! Yoo ! Mega ! Mbega ukuntu nshimira ko ndokotse, kuko izindi vatiri zazaga muri iyo nzira, zihuta cyane!" Rwose yambutse umuhanda, hanyuma ahagarara aho. . . ndatekereza ahantu runaka. Yarahagaze ngo afate agakombe k'ikahwa cyangwa ikintu nk'icyo. Ariko mbere yuko asohoka mu ivatiri, indi vatiri yaramugonze neza ku gice cy'inyuma, hanyuma indi inyuma y'iyo, na none indi inyuma y'iyo yindi, ubwo izindi zose zinjirana mo. Kandi yambwiye ko yakomeretse byoroheje, ariko ntibikanganye. Kandi yashakaga gushimira Umwami, ni yo mpamvu yatelefonnye ngo abwire itorero rishimire Umwami ko atakomeretse cyangwa ngo hagire ikindi kimubaho cyose, kandi yasabaga itorero gukomeza gusenga kugira ngo ashobore kugera mu rugo. Murabona, nta gihe kirekire gishize atwara, ni bwo akimara gufata uruhushya rwe rwo gutwara. Ni yo mpamvu - ni yo mpamvu mbishimira cyane.

4 Kandi duhora dufite inyungu mu kwita kuri iyo miburo y'Umwami. Yaravugaga ati "Nzahomba umunsi umwe wo gukora!" Umunsi umwe w'akazi uvuze iki? Gusana igice cy'inyuma cy'ivatiri ye gihenze kuwusha. Murabona? Ni yo mpamvu ari byiza cyane ko mwaba. . . Mugumane n'Umwami. Si byo? Iyo Atubwiye ikintu, twaba dugize neza cyane tukigumyeho, kuko Ahora afite ukuri. Si byo? Ahora afite ukuri.

5 Noneho, yoo, iki cyumweru cyabaye cyiza cyane! Sinzi mu by'ukuri ukuntu nasobanura amarangamutima yanje ku Mana no kuri mwe, ku bw'iki cyumweru gihebuje! Iyi minsi umunani yabaye imwe mu minsi myiza cyane mu buzima bwanjye bwose bw'umuvugabutumwa. Ni ukuri. Nize byinshi ku Mwami no ku mbabazi Ze, ku byo Yadukoreye byose, no mukubona Umwuka We yongera agakorera mu itorero! Murabona?

Noneho, inshuro imwe aho hakurya, tudahari, twavuga ko umuntu umwe yakwinjira neza afite intego yo kubyanduza, murabizi, ko abantu muri make bazatangira gukora buri kintu cyose. Kandi nimukoza isoni izo mpano, Imana izabakoza isoni! Murabona? Ni byo! Mugomba kuzikoresha neza. Kandi icyo dushaka cyose, ni uko bavuga mu ndimi mu buryo buri muri gahunda, si ukuvuga gusa imirongo y'Ibyanditswe, ahubwo ni ukuvuga ikintu kizabaho. Kandi nimuguma kubaha mu by'ukuri ibyo bintu, ibyo bizatangira. . . Niba, mu itorero, umuntu umwe asohotse mu nzira y'ukuri, Umwuka Wera azabivuga adatinze kandi n'ijwi rinini, kandi azavuga uwo ari we. Kandi uyu azumva ubwo akosowe kandi azajya ku gicaniro. Ngiyo intego y'izo mpano.

6 No kubona pasiteri wacu ari aha, mwene Data Neville, ni umuntu ugira isoni kandi uciye bugufi cyane. Kandi ni njye ubibabwiye, yari. . . twakavuze ko atari bwigere na rimwe yemera umwitoto wa Pantekote. Ariko kumubona ubu ahaguruka agasobanura indimi cyangwa agahanura, ndababwiza ukuri, avuye kure!

Ni byo! Dusengere pasiteri wacu!

Noneho murebe impano zitangira kuza mu itorero. Kandi aha hari undi mwene Data w'inyangamugayo kandi uca bugufi, ari aho, agomba kuba ari aho, ahantu runaka. Ndatekereza ko ari aho; ahora ari aho! Ni umugabo muto uca bugufi cyane. Yari umwe mu bacungamutumgo w'urusengero rwacu, mwene Data Higginbotham, umugabo mwiza, umugabo uciye bugufi. Kandi kubona ko yakiriye impano yo kuvuga mu ndimi, ni nde wari butekereze ko mwene Data Higginbontham yari buyakire? Umugabo muto ugira isoni kandi uciye bugufi, utarashakaga na gato kumenyekana, wahoraga inyuma. Ariko murabona, Imana ishobora gufata umuntu nk'uwo kandi ikamukoresha, murabona, kuko bitangira, uwo muntu atifuza kubikora. Iyo aza gushaka kubikora, yari bwirate. Ariko igihe cyose ari mu mwanya adashaka gukora ibyo, Imana ishobora kumukoresha muri ubwo buryo.

Junie ari aha, yoo, ari inyuma y'inkingi, iruhande rwanjye.

7 Ndashaka kuvuga ibi: Numvise abantu benshi bavuga mu ndimi. Kandi ntekereza ko ibyo byose biva ku Mana, kuko ntimushobora gusohora ijwi na rimwe ridasobanuye ikintu ku muntu ahantu runaka. Murabizi, Bibiliya ivuga ko nta jwi na rimwe ridafite icyo risobanuye; mu yandi magambo nta jwi na rimwe ridafite icyo rishatse kuvuga. Ntimushobora gusohora ijwi runaka ridafite icyo risobanuye. Nakundaga kwibaza ukuntu ibyo byashobokaga, kugeza igihe nagiye muri Afurika noneho nkumva ayo majwi yose, noneho ubwo navumbuye ko byari ururimi rw'umuntu. Rimwe na rimwe, ni ururimi rw'abamarayika, n'ibindi.

8 Noneho Junie Jackson, umubwirizabutumwa muto wo mu cyaro hariya, utinya, ugira isoni, wo mu itorero rya metodisiti aho hakurya - aho hakurya hafi ya Elizabeth, muri Indiana, aho imbere mu ishyamba, umugabo utuje, utagira icyo avuga, utinya kandi wasaga. . . Rimwe na rimwe, mukumureba, nifuza kumufata, kandi nkamukomanga mvuga nti "Gira icyo uvuga, Junie, wiguma kundeba gutyo!"

Twicaye ku gishyitsi mu biti, na we yicara aho noneho aravuga ati "Rwose,. . . Ndatekereza ko. . . Ari byiza."

Naramubwiye nti "O Junie, ndifuza ku. . . nyemerera mbikubwire, urabona. Uri - ugenda buhoro cyane kuri njye! Urabona?" Ariko Imana yamuahaye impano yo kuvuga mu ndimi! Nta na rimwe mu buzima bwanjye numvise imvugo itomoye nk'iyo. Murabona?

9 Muzabyitegereze mu rusengero! Iki gitondo mwabonye umugore muto wavuze atazi uwo mugore wundi? Kandi ntibari baziranye; byari n'ijwi rimwe, inyajwi zimwe, kwitsa kimwe, ni ikintu kimwe neza cyagarutse. Kandi ubutumwa ku itorero bwari bwuzuye. Murumva icyo ari cyo? Twakagombye gushimira Imana! Noneho, ntumuzagwishe igihimba! Nimubikora, namwe muzagwa ku itapi; umubi azabafata. Muce bugufi; muvuge muti "O Mwami, ngumana, ntuzandeke ngo nzamuke mbere y'igihe!"

Ntazigera na rimwe areka musohoka muri gahunda. Rimwe na rimwe ibyo bibabayeho, ibyo nta kintu bitwara. Nimubikora, rwose, pasiteri uri aha azabibbwira! Murabona, impano ntizigomba kwigaragaza igihe tubwiriza. Muri rusange, igihe impano zizatangira gukora mu buryo bukwiriye mu itorero, tuzabasaba guhura namwe mbere yuko amateraniro atangira. Mureke Umwami azabakoreshe icyo gihe, murabona, kuko ubwo muri iki gice, ntihazabaho guhagarara. Nyamara, iyo muri mu iteraniro, rimwe na rimwe muba mugomba kwifata mu gihe runaka. Ariko iyo Imana ifite ubutumwa bwo gutanga, Izabutanga mu buryo bumwe cyangwa ubundi. Murabona? Muyireke Ibyiteho, ariko muzabikore bijyanye n'inigisho ya Bibiliya. Kandi mwene Data Neville wenda azigisha kuri ibyo bintu, kandi tuzagerageza kubikurikiza. Nzagerageza kumufasha uko bishoboka kose, tuzagira ishingano twembi yo kubizana no kubereka ukuntu ibyo bigomba gukoreshwa.

10 Murumva mumaze neza cyane, mwene Data w'umunyapolonye? Biratunganye. Yoo, mbega ukuntu Umwami yamuahaye umugisha! Hashize imyaka umunani, abwiwe ko hari ikintu kizamubaho. Yari yarayobye mu buryo bwuzuye, yari umunyabutatu mu buryo nta kuka. Noneho umunsi umwe, Umwami arambwira ati "Umugabo azaza, afite imisatsi y'umukara, amaso y'umutuku ubyibushye. Ntimuzamwirukane, ni Njyewe umukohererereje." Natoranyije umurongo w'Ibyanditswe, wari ujyanye neza n'ingingo atumvaga. Nawanditse ku mutwe w'urupapuro noneho ndurambika aho. Nyuma gato, noneho araza. Umugore wanjye arambwira ati "Aho hari umugabo ushaka kukubona!"

- Ndavuga nti, « Ni we, mwinjize ».

11 Noneho ambwira ibyo yabwiwe munsi yo gusigwa k'Umwuka Wera, ko yahoze yizera ubutumwa kandi yabwihambiriyeho, n'ibindi, mu be, nubwo bamusebyaga, yabihagazeho. Ambwira ko hashize igihe runaka, mu gihe cy'iteraniro, muvugishije, kandi navuze izina rye. Ukuntu navuze iryo zina, nta cyo mbiziho. Ambwira ko nagombye kurivuga inyuguti ku nyuguti cyangwa ikintu nk'icyo, byari mu iteraniro. Ambwira ko yari ateruye umwana mu maboko ye wari ufite ibiheri mu maso, kandi avuga ko umwana muto yabikize neza, neza. N'ukuntu Umwami. . .

Ndavuga nti "Rwose, icyo mukeneye, ubu, ni ukujya mu rusengero mukabatizwa mu Izina rya Yesu Kristo!"

Hashize igihe musanze mu mpinga y'umusozi; mu by'ukuri, yaraje kandi abatizwa mu Izina rya Yesu Kristo. Ubu, aranyuzwe neza, ameze neza kandi arataha iwe. Niringiye ko azambera umusemuzi umwe muri ino minsi muri Pologne, mu Budage, no muri ibyo bihugu aho hakurya. Umwami abahe umugisha, mwene Data!

12 Umwami wacu asohoza ibintu byinshi, ibintu mu by'ukuri bitangaje! Murebe gusa - imbabazi Ze, n'ukuntu Akura abana Be b'igiciro iburasirazuba, iburengerazuba, mu majyaruguru no mu majyepfo; Abashyira hamwe, akabatandukanya, akabatunganya. Hari byinshi byo kuvuga!

Noneho, ntimubyibagirwe, umugoroba wo ku cyumweru gitaha, Umwami wacu abyemeye, umugoroba wo ku cyumweru gitaha, tuzagira. . . cyangwa ahubwo igitondo cyo ku cyumweru gitaha, umurimo wo gukiza. Impamvu mvuga ku cyumweru mu gitondo, ni uko mu gihe hazabaho abantu benshi ku cyumweru mu gitondo, nashobora kubikomeza ku cyumweru nimugoroba. Murabona? Kandi nshoboye kubafata bose ku cyumweru mu gitondo, rwose, byaba ari byiza cyane.

Ku wa gatatu nimugoroba, ni iteraniro ry'amasengesho mu cyumweru hagati. Noneho, mwe mutuye aha hafi, muzaze muteranire aha, mwitabire iteraniro ry'amasengesho! Ntimuze kurihomba, mube indahemuka, murabona, musenge, mushake ukuntu mwakongera kwegera Imana! Ntimutume ibintu by'ubufana bigenda muri mwe. Hari ibintu byinshi by'umwimerere aho kwemera ibintu bipfuye, murabona, ntimuzajye ku ruhande rubi! Muzabigumeho!

13 Numvise "amina" imwe menyereye nari maze imyaka ntumva: ni iya mwene Data Russel Creech. Bambwiye ko yari Patty wavuze mu ndimi undi mugoroba. Patty, uri he? Uri aho, mukunzi wanjiye? Yego, yoo ! Mbega ! Simba nanamwibutse iyo nza kumubona! Kandi nizera ko ari aha ndetse nafatiye uyu mwana mu maboko yanjiye ngo mushyire mu biganza by'Umwami! "Kandi ni umugore ukiri muto, ni ko Meda yambwiye, umukobwa ukiri muto kandi mwiza, umwangavu", ufite imbaraga z'Umwuka Wera, avuga mu. . . Russel, uri umugabo w'umukire! Yego, ni byo!

Mushiki wacu Creech ari he? Sinamubonye. Ari aha? Hagati. Yoo! Mushiki wacu Creech, mbega ukuntu nshimirira ko Imana yabahaye umwana nk'ubo, rwose, ntimushobora kumva ukuntu mbishimira! Ari mu myaka abangavu banegurana, birirwa baseka, kandi bakitwara nabi, murabizi, n'ubugoryi bwinshi imbere yabo bahungu, inyogosho zabo nk'iz'igishuhuhe n'ibindi nk'ibyo, n'ibantu by'ubwo bwoko; ariko uwo mwana ari aha, yuzuye imbaraga z'Imana, avuga mu ndimi aha! Yoo! Mbega !

Hum! Uyu mugoroba, ni abantu bangahe, ababwirizabutumwa ba pantekote, batanga ubuzima bwabo bwose ngo babone abakobwa babo bakora ibyo, aho kujya muri iyo migoroba y'urubyiniro !

14 Mubyishimire, mwene Data! Nzi icyo mukorera aho muri "Interstate", nanjiye ubwanjiye narabikoze. Nakunze gukora cyane, ariko, mwene Data, kugira ngo turere abana bacu. . . Ariko, mwibuke, Imana ni umwizerwa, hazabaho ingororano. Yego, ni ukuri! "Nzagororera."

Imana iguhe umugisha, Patty. Mukunzi wanjiye, ndatekereza ko mba ntarakwibutse iyo nza kukubona. Ariko ntuzigere na rimwe ureka iyi nzira ifunganye, mukunzi wanjiye. Ntuzemerere na rimwe umubi gushyira ikintu runaka muri wowe, cyaba gisa nka pomme nziza itatse amabara, mu gihe ari indimu! Urabona? Kijugunye kandi ukireke! Hanga amaso gusa kuri Kristo, rwose ku musaraba, noneho ukomeze imbere, kuko igihe cyegereje! Urabona?

15 Hari amagambo menshi y'impuguro nshobora gutanga, ari yo migisha y'Imana! Sinashoboye gusura abantu benshi, kandi muri iki cyumweru cyose, sinaseneye hejuru y'abantu mirongo itanu, ndatekereza, hamwe n'urwo rujya n'uruza, ibibazo byihutirwa n'ibyabaye byose, n'ibindi, byongeye nari mpugiyre mu kwiga. Ariko ubu, ku cyumweru gitaha, tuzasengera abantu kandi tuzasaba Imana kumanuka kugira ngo iduhe izo mbaraga zikomeye kandi Itwigaragarize, ku cyumweru mu gitondo, Umwami nabishaka.

16 Yoo, mu by'ukuri sinkunda gutangira iki gisekuru cy'itorero, kubera ko mu by'ukuri ni icya nyuma. Noneho, ni muri iki cya nyuma ibisekuru byose birindwi by'itorero bisohorera. Ibyo mwarabikunze? [Iteraniro rirasubiza riti "Amina!" - N.D.E.] Noneho, mwibuke, ndabivuga ku musozo nk'uko namaze kubivuga ku itangiriro: hashobora kuboneka ibintu byinshi - hashobora kuboneka ibintu byinshi mushobora kutemeranyaho nanjiye mu buryo bwose, ntimundakare! Murabona? Muzankunde uko byagenda kose, kubera ko, icyo mwakora cyose cyangwa mwavuga, ibyo nta cyo bihindura na kimwe: nzakomeza kugira igitekerezo kimwe kuri mwe; nako nzagira igikomeye cyane, murabona, kandi mu. . . Nzabagiraho igitekerezo gikomeye cyane. Ariko ndabakunda, Imana irabizi; nta muntu n'umwe wambaza Izina rya Yesu Kristo ntakunda!

17 Kandi sinifuza ko habaho umuzi usharira cyangwa kutita ku kintu, nubwo twaba tutumvikana mu buryo bwose. Tubaye twicaye ku meza, umwe arya urubuto runaka n'undi arya urubuto bw'ubundi bwoko, byaba ari ikintu kimwe! Murabona? Iyo ari ikibazo cyo gusabana hamwe n'abandi, turakundana hagati yacu. Noneho iyo tutabikoze, ubwo noneho tuba dukwiye kubikora. Kandi ntituzigera na rimwe tujya kure cyane mu Mana igihe cyose tutazabikora.

Ntimwibagirwe, ntimwibagirwe ko impano iruta izindi zose, ari urukundo! "Nubwo navuga indimi z'abantu n'iz'abamarayika, nubwo natanga umubiri wanjye ngo utwikwe nk'igitambo, nubwo nagira ubumenyi bwose n'ibindi. . . nta cyo naba ndi cyo. Ku bw'ibyo. . . Ariko iyo icyuzuye, ni ukuvuga urukundo. . ." Iyo impano zose zidahurijwe hamwe n'urukundo, ibyo ntibizafata. Murabona, ni Abakorinto 13.

18 Noneho, uyu mugoroba, turatangira iki gisekuru gikomeye cy'itorero. Yoo! Mbega ! Noneho, birashoboka ko turi burangize (uyu mugoroba) ahagana saa tatu na cumi n'itanu. Noneho ubu, mbabajwe rwose nuko tudafite imyanya ihajige, ariko - dushyire muri gahunda umuntu wese - kugira ngo twicaze umuntu wese, nako, mu by'ukuri ntituyifite; ariko wenda umunsi umwe tuzayibona.

Noneho ubu, ndifuza kubasaba kumpa amahirwe. Muzi aho mpagaze kandi muzi icyo ibyo bizansaba umunsi umwe, murabona, kandi isaha iregereje. Murumva? Noneho, ndifuza ko mwakora ibi: mujye munsengera buri munsi. Kandi mwibuke, nagumye kuba inyangamugayo uko mbizi kose. Murabona? None nzi ko ntakiri umuhungu muto: mfite imyaka mirongo itanu n'umwe! Kandi iyo. . . Sinshobora kujya ariho hose mbere yuko Imana ibintegeka. Noneho nzakurikira inzira Ishaka ko nakurikiza, kandi ni gutyo bizamera. Murabona? Ariko ngomba kuba inyangamugayo kandi nkavuga Ukuri, ntatewe ikibazo n'ibisigaye. Nzi rwose ko rimwe na rimwe ari ugutera intambwe wenyine, ariko igihe cyose Iri kumwe namwe, bitwaye iki? Murabona?

19 Noneho, mbere yuko twakwinjira muri iki gisekuru gikomeye cy'itorero, birashoboka ko twahaguruka kugira ngo dusenge na none umwanya. Murabona? Ibyo birabafasha kwinanuramo gake no kumva mumeze neza cyane. Kuko ari iteraniro risoza, haba hari. . . Ni bangahe bifuza ko twabibuka mu gihe turi Imbere y'Imana? Muzamure ibiganza ku Mana muvuga muti "Uzanyibuke, o Mwami, ku iherezo ry'iki gisekuru. Igihe ubuzima bwose buzaba burangiye, noneho ubwo Uzanyibuke!"

20 Data wa twese wo mu ijuru, ntidufite amagambo ahagije cyane yo gusobanura ishimwe ryacu ku bwo Kugaragara kw'Imana nzima kwabaye hagati yacu iki cyumweru gishoje, ku bw'ibantu twakwizeho. Mbega ukuntu Watwihihuriye muri icyo gihe cyose! Mbega ukuntu Wagaragaje neza cyane Ijambo Ryawe kuri twe! Mbega ukuntu twakwisunze, ukuntu twa - twagerageje kugaragaza urukundo rwacu, kandi ntidushobore kubikora, Mwami, kuko indimi z'abantu ntizabishobora; kuko Wanadukijije kandi Wa. . . kuko Wanaduhaye kukugirira inzara (rwose kugira inzara, ni umugisha!), inzara n'inyota byo gukiranuka." Hanyuma, Wavuze iyi mvugo ihebuje uti "Kuko bazahazwa!" Noneho, ibyo turabyizera, Mwami! Tubabarire ibyo tubura.

Uyu mugoroba, turinjira muri iki gisekuru cy'itorero, icya Lawodikiya, nyuma yo kubona ko Ibyanditswe n'amateka bihura buri nshuro neza. Ni yo mpamvu, Data, tuzi umurongo aha w'ubuhanuzi Bwawe buhebuje, bujyanye n'iki gisekuru, kizamera neza nk'ibindi bisekuru bitandatu. Data, ndagusaba kureka Umwuka Wera akatuzaho uyu mugoroba, kandi akaduha umugisha mu gihe dugutegereje cyane. Mu Izina rya Yesu Kristo. Amina. Urakoze. Mushobora kwicara.

21 Niba Umwami abishaka, igitabo kiza. . . igihe tuzaba tubishoboye. Mwene Data Leo arimo gushyiraho ibimenyetso ku byafashwe, nyuma y'ibyo bizandikwa ku mashine, hanyuma bishyirwe mu buryo bw'igitabo.

Kuri ibyo, Rosella mu gihe gito azasohora igitabo cye "Umusinzi wakijije". Mwese muribuka inkuru ye, ukuntu Umwuka Wera yamuhamagaye mu gihe cy'iteraniro. Kandi yari - yari yarananiwe n'ibigo bine bikomeye byita ku basinzi bazahajwe n'inzoga, noneho yoherezwa mu bitaro by'i Chicago. Ariko Umwami Yesu, mu kanya gato gusa, amubohora icyo kintu cyose! Ajya mu magereza n'ahandi, abwira abantu ukuntu Imana ishobora kubohora, abwira abasinzi n'abandi. Mu buhamya bwe, yazanye abantu benshi kuri Kristo.

22 Noneho, mushobora kumbwira ubu icyari igisekuru cya mbere? Efeso. Icy ariko? Simuruna. Icy gatatu? Perugamo. Icy kane? Tuwatira. Icy gatanu? Sarudi. Icy gatandatu? Filadelifiya. Icy karindwi? Lawodikiya.

Icy mbere, icy Efeso, cyavuye muri 55 kigera mu 170 nyuma ya Yesu Kristo. Simuruna, iva ku 170 igeria kuri 312. Perugamo, iva muri 312 igeria muri 606. Tuwatira, iva muri 606 igeria muri 1520. Sarudi, iva muri 1520 igeria mu 1750. Filadelifiya, iva mu 1750 igeria muri 1906, hanyuma hatangira igisekuru cya Lawodikiya byagendaga uruhererekane, kandi ejo nimugoroba, twize urwo ruhererekane ruto. Noneho, uyu mugoroba, tugiye kureba iherezo ry'igisekuru cya Lawodikiya.

23 Twizerwa ko itorero rya Lawodikiya ryatangiye mu 1906 nyuma ya Yesu Kristo. Ndateganya. . . Noneho, mwibuke neza ibi "Ndateganya", - cyane mwebwe mwumva amajwi yafashwe. Simvuga ko ari ko bizagenda, ariko ndateganya ko kizarangira ahagana mu 1977, itorero rizinjira neza mu buyobe bwuzuye kandi Izaricira rive mu kayo. Kandi kuza kwa kabiri, cyangwa izamurwa ry'umugen wa Kristo, rishobora kuba igihe icyo ari cyo cyose. Noneho, nshobora kwibeshyaho umwaka umwe, nshobora kwibeshyaho imyaka makumyabiri, nshobora kwibeshyaho imyaka ijana! Sinzi igihe bizabera. Ariko ndateganya ibyo

bijyanye n'iyyerekwa Yampaye kandi mu kwitegereza ibihe n'uburyo ibantu bihinduka, ndavuga ko iri shyanga rikomeye riziroha mu ntambara izarihindura ivu. Murabona? Noneho, ibyo byose biregereeje cyane, mu by'ukuri biregereeje. Ariko nshobora kwibeshya; ndateganya gusa. Abumva ibyo bavuge bat "Amina!" Murabona?

24 Noneho muri 33, mu 1933, Umwami yanyeretse mu iyerekwa uwo mugore ukomeye cyane; ibyo narabyanditse. Kandi ko Roosevelt azateza - azagira uruhare mu gutangiza intamara y'isi; kandi Mussolini azatera bwa mbere Ethiopia kandi ayifate, ariko ko azagira iherezo ry'ikimwaro; kandi ko inkundura eshatu za ismes (nazisme, fascism na communism) zose zizasenyukira muri communisme. Ni bangahe aha babyibuka, igihe nabahagurutsaga noneho nkasisubiramo nti "Mwitegereeze Uburusiya! Mwitegereeze Uburusiya, umwami w'Amajyaruguru! Mwitegereeze Uburusiya, umwami w'Amajyaruguru! Mwitegereeze Uburusiya, umwami w'Amajyaruguru"? Ni bangahe banyumvise mbivuga, kandi nkabisubiramo, abavetera, murabona, abari aho mu ntangiriro ry'itorero? Nari mpagaze aho, kandi nakomezaga gusubiramo nti "Mwitegereeze Uburusiya, umwami w'Amajyaruguru! Murebe icyo buzakora, kuko izo nkundura zose za ismes zizikusanyiriza mu Burusiya."

25 Hanyuma navuze ko iki gihugu bizarangira cyinjiye mu ntambara hamwe n'Ubudage. Kandi Ubudage buzubaka urukuta muri beto. Kandi wabaye umurongo wa Maginot; imyaka cumi n'umwe mbere yuko batangira kurwubaka, mbere y'imyaka cumi n'umwe! Noneho ndavuga nti "Abanyamerika bazatsindwa mu buryo buteye uwoba kuri uwo murongo!" Bamwe muri bene Data babaye kuri uwo murongo, mwene Data Roy Roberson n'abandi. Muzababaze ibyabaye! Barahakubitiwe. Ndavuga nti, "ariko, bizarangira dutsinze, kandi tuzatsinda intambara hagati yacu n'Ubudage."

26 Noneho, naravuze nti "Hanyuma, nyuma y'icyo gihe, ubumenyi buzatera imbere cyane." Byarabaye; bakoze igisasu kirimbuzi n'ibyo bintu byose. Naravuze nti "Mu gihe cy'iterambere ryabo, bazakora. . . imodoka zizagenda zifata ushusho y'igi." Kandi muribuka imodoka ya kera nini yo mu bwoko bwa capot yakoreshwaga mu 1933, igice kinini cy'inyuma cyamanukaga gutyo, umupine w'ubutabazi wamanikwaga inyuma? Murebe ukuntu byahindutse ubu (murabona?), nk'umutwe w'ubwato, murabona, ni nk'igi. Kandi naravuze nti "Bizarangira bavumbuye imodoka izaba idakeneye vola. Nabonye umuryango umanuka mu muhanda mu ivatiri ifite igisenge cy'ibirahure, yari imihanda minini cyane kandi myiza, kandi yari imodoka nziza. Kandi bari bicaye barebana, kandi ivatiri yagendaga yonyine, ikata n'ibindi byose." Ubu iyo vatiri barayifite; yamaze kuvumburwa. Bafite iyo vatiri. Ubwo noneho naravuze nti "Yoo, mbega ukuntu ubumenyi buzatera imbere muri icyo gihe!"

27 Nongeyeho nti "Hanyuma, nabonye. . . Bazemerera abagore (kandi bamaze kubemerera) gutora. Kandi mu gutora kwabo, umwe muri iyi minsu bazatora umuntu mubi." Kandi mwarabikoze, mu matora aheruka. Ni impapuro z'itora z'abagore zatoye Kennedy. Ibyo turabizi ; bimwe mu byabayeho habayeho izo mashine zipfuye n'ibyo bintu byashyizweho F - F.B.I (Ikigo cy'ubutasi cy'Amerika) cyagaragaje. Noneho ni gute umuntu umwe yashobora. . . Kubera iki nta kintu mukora kuri ibyo? Kubera iki nta kintu mubivugaho? Ha! Ni ukubera ko bafite uwoba bwo gutakaza akazi kabo! Murabona, ni agatsiko k'abanyapolitiki kamunzwe kugeza ku musokoro. Ni ibyo. Nta gushidikanya.

28 Mumbabarire. Nta gakiza kari muri iri shyanga, nta gakiza kari mu gihugu icyo ari cyo cyose na kimwe. Agakiza kari muri Yesu Kristo, kandi muri We gusa. Murabona? Ni byo. Rwose, ndashimira Amerika. Nkunda kuba aha cyane kurusha ahanti hose mu isi, kubera ko - havuyemo Canada. Canada na Leta Zunzwe Ubumwe ni impanga, turabizi, ni ibihugu bituranye, ni ahantu hahebuje, ariko nizera ko nahitamo kuba aha kurusha ahanti hantu hose nzi, kubera ko aha, ni iwanjye. Nishimiye ko ndi Umunyamerika, kandi ndabishimira. Kandi, ni ngyewe ubibabwiye, ikeneye mu by'ukuri ubundi bubyutse; ni byo rwose. Ariko ntizabubona. Oya, mugenzi. Ntizigera na rimwe ibyuka. Oya, mugenzi. Byarayirangiranye. Mwibuke icyo navugiye i Chicago hashize hafi imyaka itanu, biri kuri bande. Murayifite, Gene. Naravuze nti "Wenda bazabyemera uyu mwaka, cyangwa bazakomeza gucika intege!" kandi 'ni cyo bakoze, murabona, kandi ni byo bazakora kugeza igeze ku iherezo ryayo.

29 Kandi hazabaho umugore ukomeye! Noneho, mubyibuke, ibi na byo biri gufatwa amajwi! Umugore ukomeye, umugore uvuga rikijiana; azaba perezida, cyangwa ubwo, uwo mugore ahagarariye Itorero gatolika (ndatekereza ko ari ibyo) umunsi azafata ibantu mu kiganza kandi azayobora iki gihugu. Iri shyanga ni ishyanga ry'umugore. Idarapo ryayo ryashyizweho n'umugore, kandi umubare waryo ni cumi na gatatu, ritangirana n'inyenyeri cumi n'eshatu, imirasire cumi n'itatu, koloni cumi n'eshatu. Byose bigendera muri cumi na gatatu, cumi na gatatu, cumi na gatatu ku ruhande rumwe ujya ku rundi. Noneho, hari inyenyeri cumi n'eshatu ku madolari. Byose bigenda muri cumi na gatatu. Umubare waryo ni cumi na gatatu, kandi rigaragara ku gice cya 13 cy'Ibyahishuwe! Cumi na gatatu kuva ku mutwe umwe ujya ku wundi! Byose ni "umugore, umugore, umugore, umugore, umugore", kuva ku mutwe umwe ujya ku wundi. Yafashe imyanya yose. Yabohoje Hollywood; yabohoje igihugu. Yafashe imyanya yose. Yafashe ibantu byose! Afite intoki zimwe nk'umugabo, nk'umugabo, aratora, arahira nk'umugabo, anywa nk'umugabo n'ibindi byose bisigaye. Kandi - ni ingemu ku Itorero gatolika, ku bwo kuramya umugore! Nyamara, baramya umugore.

Ni mwiza cyane. . . Umugore witwara nabi ni ingemu nziza umubi yigeze agira. Ni mubi cyane kurusha utubari twose. Ashobora kohereza ubugingo bwinshi ikuzimu kurusha utubari twose turi mu gihugu. Ni byo!

30 "Umugore mwiza ni umutako w'ikamba ry'umugabo", ni ko umugabo w'umuhanga cyane yavuze ku isi. Umugabo agomba kubaha umugore mwiza. Murabona? "Ariko umugore w'umugome ni amazi mu maraso ye", kandi amaraso ye, ni ubuzima bwe. Mwa bagabo mwe mufite abagore beza, ntimuzi ukuntu mugomba gushimira Imana kubera umugore mwiza. Kuko iyo Imana iza gushobora guha umugabo icyiza cyane kurusha umugore, Iba yarabikoze. Ariko umugore ni inshuti nziza cyane Imana yashoboraga guha umugabo. Ariko iyo bahindukiye. . .

31 Ni we Satani yatoranyije nk'igikoresho mu ngobyi ya Edeni. Ntiyafashe umugabo, ahubwo umugore. Kubera iki itasanze Adamu ngo imushyiremo amarangamutima y'urukundo? Yasanze umugore kandi ibyo ibishyira muri we, murabona, kubera ko ari we yatoranyije. Imana yafashe umugabo, na Satani, ifata umugore.

Noneho murehe ku ruhande rumwe ujya ku rundi, ku iherezo. . . Ku itangiriro, igihe Babuloni yubakwaga (ni muri Babuloni ebyiri za Hislop), umugore. . . Iyo ibyo bigeze muri iki gisekuru, ibyo birangiza noneho igisekuru cy'amahanga. . . Babuloni ni gutyo yatangiye, kandi izarangirana no kuramya umugore (Mariya) mu itorero. Mbega iminsi turimo!

32 Noneho, Lawodikiya, igisekuru cya Lawodikiya, iri jambo risobanura "akazuyazi". Yarakize kandi itekereza ko nta kintu ikeneye. Ariko Bibiliya ivuga ko ikennye, ari impumyi, umutinda kandi yambaye ubusa. Mbega imimerere!

Ingororano y'abazanesha muri iki gisekuru, ni ukwicarana ku ntebe n'Umwami.

Noneho, inyenyeri, cyangwa marayika, cyangwa intumwa y'iki gisekuru cy'itorero, ntizwi.

Noneho, ni nde wari intumwa y'igisekuru cya mbere cy'itorero? Pawulo, mu gisekuru cya Efeso; uwa Simuruna? Irenée; uwa Perugamo? Mutagatifu Martin; uwa Tuwatira? Colombia. Uwa Sarudi? Luther; uwa Filadelifiya? Wesley. Ariko kuri iki gisekuru cya Lawodikiya, ntitwari twamumenya, kandi birashoboka ko tutazamumenya mbere yuko kirangira.

33 Ariko ndashaka gusa kuvuga, uko mbyumva, icyo uyu mumarayika azaba cyo, ni cyo dushobora gutegereza. Murabyemera? [Iteraniro rirasubiza ritu "Yego! Amina!" - N.D.E.] Mu gihe bigaragara ko dufite igihe gito, nanditse gusa inyandiko ntoya aha ku cyo ntekereza.

Marayika w'iri torero rya Lawodikiya, kugira ngo nkisoze. . . Noneho, azaza ku musozo w'igisekuru, nk'abandi, bijyanye n'icyo Bibiliya itwereka. Azaza ku musozo w'igisekuru. Si ku ntangiriro, kubera ko marayika aza buri gihe aje gucyaha bitewe n'ibyo bakoze. "Andikira ibi bintu marayika w'itorero rya Lawodikiya." Murabona?

"Andikira ibi bintu marayika w'itorero rya Simuruna." Murabona? Buri butumwa bubwirwa marayika, ku musozo w'igisekuru. Pawulo yaje ku musozo w'igisekuru. N'abandi, buri gihe ku musozo w'igisekuru. Uruhererekane rukorerwa ku musozo w'igisekuru. Umusozo w'igisekuru uzana uruhererekane. Murabona, "Marayika. . ."; ababwira uko byari bimeze. Iki gihererekana na kirya. "Marayika. . .", ku musozo w'iki gisekuru. Murabona, kirangirira aha ndetse, ariko uruhererekane rutuma ibyo bisekuru birindwi by'itorero bimera nko kugenda kuri esikaliye zizamuka.

34 Nyamara, uwo marayika azaza kuri uwo munsi, ndabyifuza. . . Nanditse ikintu aha, ndashaka gusa kubisoma. Ariko azamenywa mu gice cya nyuma cy'igisekuru. Kandi mu gihe bigaragara ko tubyegereye cyane, twegerereye cyane iki gisekuru cy'Umucyo, nta gushidikanya ari ku isi ubu. Ntitumuzi. Azaba ari umuhanuzi ukomeye, uzangwa n'isi y'ivugabutumwa, kuko bazakomeza kugendera neza mu byaha byabo kandi bizarangira barutswe mu kanwa k'Imana. Mu kanwa k'Imana, Imbere Yayo.

Nizeye ko azaba ari umuntu nka Eliya. Dore impamvu zituma mbivuga. Noneho, ubu dufate igitabo cya Malaki rwose akanya gato; ngiye kubabwira impamvu ntekereza ko ari umuntu uzaba usizwe n'Umwuka wa Eliya. Rwose, ndifuza ubu ko mwatekereza cyane. Malaki, igice cya 4; noneho, mwumve, mu gihe nsoma namwe musoma muri Bibiliya yanyu. Rwose, mutekereze neza noneho ubu mu gihe cy'iminota mike igiye gukurikira, mbere yuko twakwinjira mu gisekuru cy'itorero.

Dore hazaba umunsi utwika nk'itanura ry'umuriro, abibone bose. . . inkozi z'ibibi zose bazaba nk'bishingwe, maze habe umunsi uzabatwika bashire, ni ko Uwiteka Nyiringabo avuga, ntuzabasigira umuzi cyangwa ishami. Haravuga iki? Haravuga umunsi uzabaho (Muremeranya n'iyo ngingo?), ku munsi wo Kuza k'Umwami.

Ariko mwebwe. . .

35 Noneho, mwitegereze, ubu Irabwira na none Israel. Noneho ni iki Iri kuvuga?

Dore hazaba umunsi. . . (nyuma cyane), utwika. . . Ariko mwebwe abubaha izina ryanjye, izuba ryo gukiranuka rizabarasira rifite gukiza mu mababa yaryo, maze muzasohoka mukinagire nk'inyana zo mu kiraro.

Kandi muzaribatira abanyabyaha hasi, bazaba ivu munsi y'ibirenge byanyu ku munsi nzabikoreraho. Ni ko Uwiteka Nyiringabo avuga. . . (Umunsi Azatwika isi, tuzagenda hejuru y'ivu ryabo. Ni Ikinyagihumbi, neza cyane. Murabona?).

Nimwibuke. . . amategeko y'umugaragu wanje Mose, ayo namutegekeye i Horebu yari ay'Abisirayeli bose, yari amategeko n'amateka. Dore nzabohereza umuhanuzi Eliya, umunsi w'Uwiteka ukomeye kandi uteye ubwoba utaragera.

Uwo ni we uzasanganya imitima y'abana n'iya ba se, kugira ngo ntazaza kurimbuza isi umuvumo."

Ni umusozo w'Isezerano rya Kera.

36 Nyamara, Yesu yaravuze. . . Matayo 17.10 harabivuga. Abayuda bose bategereje kuza k'uwo Eliya. Noneho, mwumve icyo Yesu yabivuzeho muri Matayo 17.10. turahera ku murongo wa 9, Matayo 17.9:

Bakimanuka umusozi, Yesu arabihangiriza ati "Ntihagire umuntu mubwira. . . Ntihagire umuntu mubwira ibyo mweretswe. . . (Murabona? Ntimubivuge. Murabizi, ahubwo mubigumane."). . . Ntihagire umuntu mubwira ibyo mweretswe, kugeza aho Umwana w'umuntu azazukira. (Ntimuzabivuge).

Abigishwa be baramubaza bat "Ni iki gituma abanditsi bavuga bat 'Eliya akwiriye kubanza kuza'?" (Kubera iki Eliya agomba kubanza kuza mbere yuko Kristo aza, Izuba ryo Gukiranuka? Kubera iki ibyo babivuga? Dore Urahari, ariko abanditsi bavuga ko - ko Eliya agomba kubanza kuza.)

Noneho, mukurikire.

Arabasubiza ati "Ni ukuri ko Eliya akwiriye kubanza kuza, akagarura byose akabitunganya.

Ariko ndababwira yuko Eliya yaje ntibamumenya. . . (Murabona? Ntiyavuze uwo yari we. Murabona?). . . ahubwo bamugira uko bashaka. N'Umwana w'umuntu ni ko bazamugira.

Nuko abigishwa bamenya yuko ababwiye ibya Yohana Umubatiza. (Rwose, noneho, Yohana Umubatiza yari Eliya wagombaga kuza).

37 Noneho, mukurikire, ngarutse muri Malaki, igice cya 4. Noneho, mwibuke ko Ivuga aha ko mbere yuko umunsi w'Uwiteka ugera, uwo munsi ukomeye, uteye ubwoba, "Nzabohereza umuhanuzi Eliya". Umurongo wa 5:

Nzabohereza. . . , umuhanuzi. . . Nzabohereza Eliya, umuhanuzi, mbere yuko umunsi wa [Iteraniro riravuga riti: . . . Uwiteka. Ubwanditsi.] w'Uwiteka ugera, uwo munsi ukomeye kandi uteye ubwoba.

Ni he hari umunsi w'Uwiteka? Ku musozo w'igisekuru! Ni igithe isi izatwikwa. Muribuka ko twize ko Yari afite ingofero y'umweru, murabizi, kandi igituza Cye, Yari yambaye umushumi ku gituza. Murabyibuka? Twerekanihije Bibiliya ko utari umunsi w'isabato, cyangwa ku cyumweru; wari umunsi w'Umwami. Si byo? Kandi ni umunsi Azaza nk'Umucamanza, kandi Azarimbua isi umuvumo. Si byo?

38 Nzabohereza Eliya, umuhanuzi, mbere yuko umunsi w'Uwiteka ugera, uwo munsi ukomeye kandi uteye ubwoba.

Noneho, murebe ko Eliya agaruka inshuro nyinshi. Noneho, nimureba neza, Ibyanditswe byose. "Ariko ibyo byahishwe amaso y'abanyabwenge n'abahanga, noneho bihishurirwa abana bato bashaka kwiga!" Ibyo ntimubyizera? Noneho, mufate ibi, Malaki 4.

Noneho ubu, tugaruuke muri Matayo 2, rwose ni ipaji ikurikira, Matayo 2. Ndizera ko nashakaga kuvuga Luka 2 aho kuba Matayo 2. Ibi nabyanditse aha, kandi hashize akanya, nihutaga kandi Umwuka Wera yari andiho mu cyumba kandi nagize ibihe byiza. Rwose nashakaga kuvuga 2, reka turebe niba ari byo. Noneho, munyemerere kubisuzuma rwose umunota umwe. Matayo 2, si ibyo nshaka, si byo? Noneho, umunota umwe, ibyo ndabibona mu. . . Mumpe akanya gato, noneho, kuko nshaka ko mwakwemera kandi mukumva ko Ibyanditswe bifite ibisobanuro byinshi. Kuramya kwa Anna; no kugaruka i Nazareth; Pasika; ubukozi bwa Yohana. Noneho, reka turebe niba nashakaga kuvuga neza Luka. Nasomaga ahantu runaka kandi. . . Nashakaga kuvuga Mariko aho kuvuga Luka, byashoboka ko byaba ari Mariko. Ariko ndifusa ko mwafata iki Cyanditswe, kugira ngo - mumenye ko ari umurimo w'Umwami, ko ari uburyo Bwe bwo gukora.

Noneho, ngiye kubabwira icyo nshaka, ni umurongo ahavuga hati "Nahamagaye umwana wanjye muri Egiputa." Haba hari umuntu ufite inyandiko hasi ya paje zadufasha kugira cyangwa kubibona byihuse? "Nakuye umwana wanjye muri Egiputa." Rwose akanya gato.

39 [Mwene Data umwe aravuga ati "Luka 1.17" - N.D.E.] Luka 1.17. Urakoze, mwene Da. Ni byo, Luka 1. Mariko. . . Luka 1.17 aho kuba 2. Nashakaga gufata umurongo wa 14, ni aho. . . Ni ibyo, mwene Data. Ni ibyo neza, Luka 1.17. Byiza. Noneho, mushobora noneho kubyandika. Noneho, ni imigisha y'Umwami yamuvugiweho.

Azakubera umunezero n'ibyishimo, kandi bensi bazanezererwa kuvuka kwe.

Kuko azaba mukuru imbere y'Umwami Imana. Ntazanywa vino cyangwa igisindisha cyose.

Uwo mugabo uje azigishwa uhereye mu kuvuka kwe kutanywa no kutagira ikintu na kimwe akora hamwe n'ibyaha nk'ibyo. Murabyumva?

Kandi azuzuzwa Umwuka Wera ahereye akiva mu nda ya nyina.

Bensi mu Bisirayeli azabahindurira ku Mwami Imana yabo.

Azagendera imbere yayo mu mwuka n'ububasha bya Eliya, asanganye imitima ya ba se n'iy'abana, n'abatumvira Imana azabayobora mu bwenge bw'abakiranutsi, ngo ategure ubwoko bwatunganirijwe Umwami Imana."

Noneho, rwose, dushobora kumva ko uyu muntu wari waravuzwe n'ubuhanuzi, ko yari Yohana. Ese ni byo? Yohana yari Eliya w'icyo gihe, uwo Eliya wagombaga kuza.

40 Noneho, tuzi kandi ko Ibyanditswe bisobanura rimwe na rimwe ibantu bibiri. Bivuga ikintu kimwe. . . nk'urugero aho muri Matayo haravuga hati "Nakuye umwana wanjye muri Egiputa!" Byiza, ndizera ko ari cyo nashakaga "Nakuye umwana wanjye muri Egiputa." Rwose nimureba aho ubusobanuro bwa "umwana" . . . Ibyo bijya kuri Hoseya utarasobanuraga Yesu Umwana Wayo; yari umwana Wayo Israel "Yakuye Israel muri Egiputa; byari - byari umwana Wayo Israel "Yakuye Israel muri Egiputa." Ariko ibyo bifite ibisobanuro byinshi n'igisobanuro gikomeye, kuko harebwa kandi havuga Kuza kwa Yesu, ari cyo gikomeye kurusha Israel, kurusha igihe Yahamagariraga Israel gusohoka. Byiza.

41 Noneho, turabona na none ko Kuza Kwe kwa mbere kutabayeho ku munsi w'Umwami. Si byo? Tugaruke noneho muri Malaki kandi tubanke tubishyire ku murongo "Aza ku munsi w'Uwiteka!" Noneho, turebe kuza Kwe gutandukanye, Kuza Kwe kwa mbere no Kuza Kwe kwa Kabiri. Ese kumva kwanyu k'umwuka kwakangutse? Umurongo wa 6, noneho:

Nza. . . Azohereza Eliya, umunsi w'Uwiteka ukomeye kandi uteye ubwoba utaragera. (Ese ni byo?)

Noneho, turumva ko atari Yohana, kuko ntiwari umunsi uteye ubwoba w'Uwiteka, si byo, kandi Ntiyigeze atwika isi. Ibyo rwose byagombaga kuzaba mu gihe kizaza, cyangwa ku kundi kuza kwa Yohana mu nzagihe, cyangwa ahubwo kwa Eliya. Si byo? Kuko Yaravuze ati "Nzohereza Eliya kandi Nzatwika isi yose; Nzayitunganya muri make, kandi muzaribata ivu ryabo." Ni Ikinyagihumbi, turabizi. Nyuma yuko igisasu kirimbazi kizaba kimaze guhindura ibantu byose ivu, ubwo hazabaho - isi izongera kubaho. Kandi aha ku isi hazabaho umunsi uhebuje, kandi Itorero rizategekana na Yesu ku isi mu gihe cy'imyaka igihumbi. Si byo? "Ariko mbere yuko uwo munsi w'Uwiteka, uwo munsi ukomeye kandi uteye ubwoba, ubwo kizaturika, nzabohereza Eliya, umuhanuzi." Si byo? Muri iri tangazo, rwose si Yohana Umubatiza, kuko umunsi uteye ubwoba w'Uwiteka ntiwabaye icyo gihe; byari nyuma y'imyaka ibihumbi bibiri. Si byo?

42 Murebe noneho umurongo ukurikira, kandi noneho niba muri abanyamwuka. . . Noneho, ni ibaruwa y'urukundo; kandi mugomba gusoma hagati mu mirongo, noneho byose biragaragara! Murumva icyo nshaka kuvuga! Muribuka icyo Cyanditswe navuze, aho Yesu yashimiye Imana ko Yahishe ibyo bintu abanyabwenge n'abahanga, noneho Ikabihishurira abana? Ni nk'uko nakunze gufata urugero rw'amabaruwa nakira ku mugore wanjye; nshobora kubona icyo avuga mu ibaruwa, ariko kugira ngo menye icyo ashaka kuvuga, nsoma hagati y'imirongo, kuko mukunda kandi nzi - nzi kamere ye. Ni ngombwa ko mwamenya kamere y'Imana kandi mukayikunda, noneho Ibyanditswe Bikihishurira imbere yanyu. Irarihishura.

43 Noneho, mwitondere umurongo ukurikira:

Uwo ni we uzasanganya imitima ya ba se n'iy'abana n'iy'abana n'iya ba se (mwitonde noneho!). . . Murabona?

Nyamara, igihe Yohana yazaga nka Eliya, yagaruye umutima wa Abanya Isirayeli, umutima w'abana bari bemeye ubutumwa bwe, umutima wa ba se k'u'w'abana babo. Ariko igihe agarutse ino nshuro, azagarura umutima w'Itorero kuri ba se ba Pantekote. Murabona, aha biranyuranye. Ibyo murabyumva? Noneho, mubisome!

Noneho, mwumve mwitonze ubu: Azasanganya imitima y'abana n'iya ba se. . .

44 Abo ba padiri ba kera b'aba orthodoxes, Azababwira ko. . . "Yoo ibyo. . ." Noneho, muri aya mabuye, Imana ishobora gukuramo abana ba Aburahamu. Ntimutekereze ko mushobora. . ." Murabona? Noneho, azafata umutima w'abo batambyi ba kera b'aba orthodoxes binangiye noneho abagarure ku kwizera abana bari bafite kera. Murabona, rwose aba bose babatijwe kandi bategereje Kuza kwa Mesiya! "Mwa bana b'incira mwe, ni nde wababuriye ngo muhunge umujinya uzatera?" Oh! La la! Noneho, murabona! Yasanganyije umutima wa ba se k'uw'abana.

"N'umutima w'abana ku wa ba se." Noneho, igihe uwo Eliya ukomeye azazira ku musozo w'iki gisekuru, azazana ubutumwa bwa Pantekote kugira ngo agarure abana ku kwizera kwa ba se, kuko azabacyahira ku kuba batararinze uko kwizera ko ku ntangiriro. Amina! Noneho, ndizera ko twumva cyane icyo uwo Eliya azaba ari cyo. Si byo? Noneho, turabizi.

45 Turabona rwose ko uwo munsi uteye ubwoba w'Uwiteka utari wagera (murabona?). Nakunze kwibaza nti "Uyu mugabo noneho azaba rwose ari umuvugabutumwa?" Eliya yasohoje ubwoko bwose bw'ibitangaza, ariko ntiyabwirije. Ariko igihe Umwuka we wajyaga kuri Yohana, Yarabwirije gusa kandi ntiyakoze igitangaza na kimwe. Kubera iki? Yesu yagombaga kumukurikira, We yakoze ibitangaza, "kuko, izuba ryo gukiranuka, ni ko yavuze, rizarasa rifite gukiza mu mababa yaryo". Ku bw'ibyo, Yohana ntiyari acyeneye gukora ibitangaza: yatangaje gusa Kuza kwa Kristo. Kandi abantu. . .

Noneho, mwibuke ko uwo Yohana - cyangwa ahubwo uwo Eliya uzaza azumvwa nabi; azaba ari umuntu ufile imbaraga cyane imbere y'Umwami ku buryo abantu bazamufata mu by'ukuri nka Mesiya.

Mu by'ukuri, inshuti ze zikomeye cyane zaramubwiye ngo "Uri Mesiya."

We, arasubiza ati "Sinkwiye gufungura udushumi tw'inkweto Ze, ahubwo We azaza nyuma yanjye!"

Ni ukubera ko muri icyo gihe bari bategereje Mesiya. Bizeraga ko Mesiya azaza. Igihe babonaga uwo muntu udasanzwe ahaguruka hagati muri bo, baravuga bati "Ni Mesiya!"

46 Yohana arasubiza ati "Si ndiwe! Ahubwo, We azaza nyuma yanjye."

Oh! La la! Mwabyumvise? Ni yo mpamvu inshuti ze za hafi zatekereje ko ari Mesiya. Noneho, murebe ikindi kintu kizabaho muri iyo gahunda y'ibitekerezo: azaza rwose mbere y'umunsi w'Umwami. Nyamara, isi ntiyokejwe mu gihe cya Yohana; ibyo rwose ni iby'igihe kizaza. Igihe yazaga bwa mbere, yarabwirije gusa; inshuro ya kabiri, hazabaho icyarimwe kubwiriza n'ibitangaza byasezeranyijwe na Yesu Kristo. Byiza! Noneho, dusuzume imiterere, uko imiterere y'ubo muhanuzi ugomba kuza izaba imeze. Turemera ubu ko marayika w'iki gisekuru cya nyuma cy'itorero yatangajwe uhoreye mu Isezerano rya Kera; kandi, abandi si ko byagenze. Pawulo na Irenée ntibatangajwe. Ariko iki gisekuru cya nyuma, icy'imperuka, icyo gusoza, icy'imperuka y'isi, kizaba ari igihe kidasanzwe mu buryo bukomeye kiri imbere yacu rwose) ku buryo marayika w'icyo gisekuru yavuzwe mu Byanditswe, by'Isezerano rya Kera, ku bw'umusozo w'iki gisekuru. Uwo Eliya, uwo muntu wasizwe ukomeye.

47 Noneho, mwitonde! Uwo Eliya azaba ameze ate? Bwa mbere, azaba ari umuhanuzi ukomeye, w'indihemuka kw' Ijambo ry'Imana, kuko Eliya na Yohana bari indahemuka. Ni byo! Kuko azakora ibitangaza n'ibimenyetso azasanganya umutima w'abana ku wa ba se ba Pantekote. Nka Eliya, azanga amadini. Ni byo, azayanga. Nizera ko icyo kintu cyamaze gutangira, kandi ni igihe gikomeye ku buryo kije. Azanga amadini! Eliya yarayanze, na Yohana, na we, yangaga amadini.

Yohana yaravuze ati "Ntimukaze mwibwira muti "Rwose, dufite data Aburahamu!" Bafarisayo, basadukayo, agatsiko k'incira (mu yandi magambo, inzoka mu byatsi), kuko ndabibabwiye, muri aya mabuye, Imana ishobora gukuramo abana ba Aburahamu!"

Eliya yaravuze ati "Bose barayobye, buri umwe muri bo! Ni njyewe gusa usigaye!" Oh! La la!

Herodiya. Abahanuzi bose babiri, bafite Umwuka - Umwuka umwe. Bangaga isi ya kidini. Isi y'ivugabutumwa. Kandi bangaga abagore boroshye kandi badafite agaciyo. Ba. . . Ikintu runaka mu mwuka wabo cyarwanyaga icyo kintu. Yezabeli yashakaga kubona umutwe wa Eliya, yashakaga kuwukata; na Herodiya na we yaciye umutwe wa Yohana. Bombi. . .

48 Uwo muhanuzi azakunda ubutayu, nk'uko Eliya yabayeho wenyine mu butayu. Yohana yabayeho wenyine mu butayu. Kandi tuzi ko azaba ari Eliya. Byiza!

Kandi uwo muhanuzi azaba ari umuntu uzaguma kuba indahemuka ku Ijambo ry'ukuri ry'Imana. Yego, azagumana na Ryo, hamwe n'Ijambo ryose. Kubera iki azabikora? Kugira ngo agarure kwizera nk'uko kwari kuri mu itorero rya Efeso, ariko kwizera kwatakaye muri icyo gihe, kugira ngo agarure uko kwizera mu itorero rifite "Urugi rukinguye" imbere yaryo, kandi ryarujugunye!

Ntazaba ari umuntu wize. Eliya w'i Tishubi ntiyari umuntu wize. Yohana ntiyari umuntu wize. Muri

Luka 1.67, Bibiliya ivuga ko Yari - ko uwo mwana yari mu. . . Uhoreye mu kuvuka kwe, yigiriye mu butayu, atura mu butayu kugeza umunsi we wo kwibwira Israel. Ni byo. Rimwe - Luka 1, kuva ku murongo wa 67 kugeza ku murongo wa 80, niba mushaka kubyandika.

49 Uwo muhanuzi kandi azaba ari umuntu uhindagurika. Nyuma y'iteraniro rikomeye, nta muntu washoboraga kwegera Eliya. Eliya yagiraga umujinya. Nyuma yo kuza aho no kumanura umuriro wo mu ijuru, watwitse ibicaniro bya Bayali, n'ibindi, ahungira mu butayu noneho aravuga ati "Mwami, sinduta ba sogokuruza ubwiza, ndeka nipfire!" Si byo? Na Yohana. . . Yicara munsi y'igitu cy'umurotemu, noneho nyuma y'ubwo bubyutse bukomeye, noneho ashaka gupfa.

Na Yohana, igihe uwo mugore mubi yamujugunyaga muri gereza, yicara aho noneho isura ye irahinduka. Ndatekereza ko ari Pember cyangwa undi wavyuze ati "Muri gereza, ijisho rye ry'ikizu ryaritwikiriye." Atuma bamwe mu bigishwa be.

50 Noneho, rwose, ni we wigeze kuvuga, wavyuze ati "Dore Umwana w'intama w'Imana ukuraho ibyaha by'isi!" Yohana yabonye Inkingi y'umuriro imanuka hejuru Ye nk'inuma, kandi Yaramanutse noneho Imuhagararaho. Yabaye umuhamya w'ibyo byose noneho aravuga ati "Nguyu Umwana w'intama w'Imana." Kandi yaravuze ati "Ni njyewe ukeneye kubatizwa na We, none kubera iki Unsanz?"

Yesu arasubiza ati "Reka ubu tubikore."

Ariko igihe bamushyiraga muri gereza, yahise acika intege (murabona?), byari bikomeye, byari bigoranye ko yashobora kongera kugira imbaraga. Noneho ubwo, aravuga ati "Mugende mumubaze niba ari We neza cyangwa niba tugomba gutegereza undi." Ni byo neza Eliya yakoze (murabona?), ikintu kimwe. Murabona, yari umuntu ufite imimerere ihindagurika. Ni yo mpamvu tumurega, kuko tuzi ibyo ari byo! Byiza!

51 Noneho, ubu, mu gihe cyo kwigaragaza kwe, itorero. . . byaba ari byiza ibi mbiretse. Igihe azimyenekanisha, nka Eliya kera, icyo gihe Itorero rizaba ryiteguye kubohorwa, rizabohorwa mu biganza y'ubupagani. Si byo? Ni igihe yazaga kandi akavuga ati "Tugiye kwerekana Imana iyo ari Yo!", Eliya azabohora Itorero. Noneho kuri Yohana, byari kimwe neza, aravuga igihe yabonaga Yesu, aravuga ati "Ni ngombwa ko We akura noneho ngewe nkagabanyuka." Yohana yatangiye kubwiriza, kandi yimenekanisha rwose mbere yo Kuza k'Umwami; uko kwigaragaza kwabaye rwose ku musozo. Byiza!

52 Nyamara, turabona ko Eliya yagombye kwerekana igisekuru cy'iryo torero. . . kugira ngo yerekane ko yari Eliya, nyuma yo gutanga ubuhanuzi bwe, Eliya. . . Eliya ntiyapfuye, yarazamuwe noneho ajyanwa mu ijuru; ni ikigereranyo cy'Itorero ryo ku musozo, cy'uwo Eliya uzaza. Ku mpera y'igisekuru cye, Itorero rizajya mu muzamuko ritanyuze mu gicucu cy'urupfu. Bizaba ari umuzamuko! Ndizera ko Eliya ukomeye, uwo muntu ukomeye uzaza azaba ari uwo Eliya wasizwe wavuzwe ku bw'iminsi ya nyuma mu buhanuzi. Amina! Ndizera ko igihe azaza, azaba ari marayika cyangwa intumwa yatumwe ku itorero ryo mu mins ya nyuma (ubwoko bwanzwe kandi bwayobye, ni cyo iryo torero rizahinduka, kandi ni cyo ryamaze kuba!).

Ndizera ko Eliya ari uwo muntu wasezeranijwe muri Bibiliya, uzaza kuri uwo munsi. Murabyizera?

53 Noneho, dufate noneho Lawodikiya, kandi turi bubone icyo Umwami wacu ashaka kutubwira kuri Lawodikiya uyu mugoroba, Lawodikiya. Byiza! Kubwira itorero: . . . kuri marayika w'Uwiteka. . .

Ni umurongo wa 14 w'igice cya 3 cy'Ibyahishuwe:

. . . Wandikire marayika w'Uwiteka. . . uri i Lawodikiya: Uwiyyita Amen, umugabo wo guhamya kandi ukiranuka w'ukuri, inkomoko y'ibyo Imana yaremye. . .

Yoo ! Mbega ! Iyaba twashoboraga kuguma kuri ibyo ijoro ryose, mbega ukuntu Umwami yashobora kuduhishurira ibyo bintu! Mwumve!

Uwiyyita Amina, ni "Uwa nyuma". Yagiye agaragara mu bisekuru mu buryo butandukanye; ariko aha, ni igisekuru cya nyuma cy'itorero, kandi haravuga hati "Ndi. . . Ni imperuka, Ndi Uwa nyuma!"

54 Noneho mu kwerekana ko Yari Uwa mbere, kuko mu by'ukuri Yari We, Ni "inkomoko y'ibyaremwe n'Imana". Yoo, murabyumva? Murabona? Ni gute Imana Yashobora kuremwa, Ari Umwuka? Ni gute Yaremye? Ni uwiteka. Ntiyigeze iremwa, Ntizigera iremwa, kuko mbere na mbere Yari Imana. Ariko Uwari "inkomoko y'ibyaremwe n'Imana", yari Yesu Kristo igihe Yagaragazwaga, igihe Imana yabaga muri We. Ni ikiremwa cy'Imana! Yoo! Mbega ! Murabona? "Ni Uwa mbere n'Uwa nyuma, Uwiyyita Amina, inkomoko y'ibyaremwe n'Imana." Igihe Imana yiremeraga umubiri, noneho ikamanuka ikawuturamo, byari intangiriro yo kurema kw'Imana. Murabona? Yoo! Ntihebuje?

55 Noneho, ku ntangiriro, twabonye ko Yahishuye Ubumana Bwe aha ndetse "Ndi Ishobora Byose! Ndi Uwahozeho, uraho kandi uje, Ishobora Byose!" Ibyo byabwiwe inshuro eshatu itorero rya Efeso. Si byo? Arakomeza kugeza ku gisekuru cya Lawodikiya, kandi aravuga ati "Ndi Amina. Nari Uwa mbere aho, ndi Uwa nyuma aha. Kandi ndi inkomoko y'ibyaremwe n'Imana. Mu bisekuru byose tunyuramo, murumva ko

Ndi Imana, Imana yaremwe mu ishusho y'umuntu. Ndi inkomoko y'ibyaremwe n'Imana!" Amina.

Nguwo uwatuma umuperesebiteriyene avuza induru! Mubitekerezeho! "Inkomoko y'ibyaremwe n'Imana." Noneho. . . Yoo, mbega ukuntu mbikunda; ibyaremwe n'Imana; igihe Imana yaremwaga, igihe Imana yambaraga umubiri muri Yesu Kristo kandi igatura muri twe!

56 Noneho, noneho umurongo ukurikira, ku yandi matorero, cyari igisingizo, ariko Ntiyasingije iri torero. Yari afite ibyo arirenga, si igisingizo. Nta kintu na kimwe cyatuma Aba yarasingije iki gisekuru cya Lawodikiya. Hamwe n'Umucyo wose bakiriye noneho bakaja kure yawo, ntibari bakwiriye igisingizo na kimwe! Oya-oya. Bari bakwiye umugayo, kandi barawubonye. Nako ni ikirego Yaregaga iri torero, si igisingizo.

Noneho, ubu ngiye gusoma imirongo ya 15 na 16:

Nzi imirimo yawe. . . , yuko udakonje kandi ntubire. Iyaba wari ukonje cyangwa wari ubize! (mu yandi magambo, ntimube akazuyazi gusa). . .

Nuko rero kuko uri akazuyazi, udakonje ntubire, ngiye kukuruka. (Amina!)

Kandi bigishije. . . Ese ni igisingizo? Ni umugayo kuri icyo gisekuru cyanduye cya Lawodikiya, cyanduye cyane kurusha ibindi. Ibindi byanyuze mu mubabaro n'ibyo bihanganiye byose, nta kintu na kimwe bari bafite, bari abatindi, bajya aha na hariya, bambaye impu z'intama n'impu z'ihene, nta kintu na kimwe bafite, bakereshwa inkezo, bicwa batwitswe, bajugunywa ngo baribwe n'intare n'ibindi byose bisigaye, kandi nubwo bimeze bityo barinze kwizera. Ariko aka gatsiko karakize kandi nta kintu na kimwe gakeneye, n'ibindi byose bisigaye, ni indaya! Ni byo!

57 Ubu dufite isomo rikomeye cyane; niringiye ko Umwami ari budufashe muri iri. Ya - yaravuze ati: Kubera ko uri akazuyazi, kandi ukaba udakonje kandi ntubire. . .

Ni nk'amata. Murabona? Ikirahure cyiza cy'amata akonje kigira neza. Si byo? Amata akonje atuma mumera neza. Ariko amata y'akazuyazi azatuma muruka.

Ndibuka umugoroba umwe ubwo narwaraga, ku nkengero y'umugezi (hashize hafi imyaka makumyabiri n'itanu ibyo bibaye). Nabaga aho mu kazu gato kareremba. Nararwaye. Noneho muramu wanje araza kandi anjana kwa dogiteri Isler. Uwo uhera arambaza ati "Bimeze bite?"

Ndasubiza nti "Ndababara cyane mu gifu!"

Arambwira ati "Fata ikirahure cy'amata ashyushye." Yoo, bene Data! Amata y'akazuyazi yantere isesemi ku buryo narutse ibyo nari mfite imbere!"

58 Nyamara, Imana iravuga iti "Nahitamo ko wenda wabira, wakwatura, waba urubura; ko waba kimwe cyangwa ikindi! Wiba akazuyazi, kuko untera kuruka!" Ni ko kino gisekuru cy'itorero kibigenza ku Mana; kiyitera kuruka! Murabona? "Wenda. . . shyuha wenda cyane, ariko wiba akazuyazi. Bira cyangwa ushyuhe. . . kuko untera kuruka!"

Ubukonje bw'itorero ry'Anglikane mu gihe cya John Wesley ryatumye uyu akora amateraniro ahandi, kubera ko ryari rikonje, ryari urubura.

Ubukonje bw'itorero rya metodisiti ryatumye William Booth ahinduka umunyagakiza watuye. Murabona? Imana yaravuze ati "Keretse wihannye, Nzakura itabaza ryawe mu mwanya waryo. Nzarakuraho noneho ndihe undi muntu." Ni yo mpamvu, igihe Itorero metodisiti ritashakaga kwakira ubutumwa bwo kwezwa bwa John Wesley, William Booth yahise ahagurukana n'Ingabo z'Agakiza kandi arakomeza. Ni byo. Kubera iki? Bari barabikoze idini (ni ukuri!), babikoze idini, kandi Imana yaravuze iti "Ibyo ndabyanga!"

59 Dore noneho William Booth uje, noneho agafata ubuyoboz bw'Ingabo z'Agakiza. Na bo, ni iki bakoze? Ikintu kimwe! Barahindukiye bongera gukora idini! Nyuma ye haje aba campbellistes babayeho mu gihe gito, hanyuma hazza John Smith hamwe n'abatisita; nyuma y'ibyo haje abanazariyene, noneho nyuma y'abanazariyene haje Pantekote.

Ni iki abanazariyene bakoze? Iryabo barigize ishyirahamwe noneho babihindura idini!

Ni iki cyabaye icyo gihe? Ibice bibiri bito byasohotse aho, (Eglise de Dieu) Itorero ry'Imana n'ibindi bisigaye. Ni iki bakoze? Bakoze idini, Imana yarabaretse gusa barakomeza! Nyuma y'ibyo, abapantekote bazanye n'umugisha w'imvura ya nyuma, noneho ni iki bakoze? Bakoze idini, noneho Imana irabareka gusa barakomeza. Ni byo!

Noneho, tugeze aha ku musozo; mugiye kwakira ikintu mu by'ukuri gikomeye mu kanya gake. Byiza.

60 Byiza. Irashaka ko mwatura, cyangwa mukaba urubura: kimwe cyangwa ikindi. Ntimube akazuyazi!

Ntimumere nk'abafite ikintu mudafite; mwake ku Mana cyangwa mugaruke mu - mu - mu idini. Ntimube akazuyazi!

Ni ikintu kimwe ubu! Ni cyo cyabaye muri ayo matorero. Irabashaka mubira cyangwa mukonje. Nticyeneye akazuyazi. Ni aho Pantekote yageze, mu mimerere y'akazuyazi. Mu bihe bitandukanye, bajya kuri piyano, kandi baherekejwe n'ingoma nke, bakoze urusaku ruke; igehe bakoraga umuziki mwinshi, umuntu arahaguruka, murabizi, noneho avuga ikintu runaka nka "Imana ihimbazwe! Aleluya!" Yego, yego. Hanyuma, umuziki uragabanyuka "Yoo! Mbega !" N'ibyo gusa. Yoo! Mbega ! Ibyo bituma Imana iruka!

Byiza!

61 Rwose nta kintu gikomeye kikiba nk'urugero - nk'urugero ububyutse bubira bwabaguyeho, nyamara, abantu bagize ikirundo cy'imikorere mihibano muri iry torero, murabona, kuko bakize, yoo! Mbega ! Barateranye noneho bakora amateraniro akomeye n'ibindi byose bisigaye. Bagize ibihe byiza muri ayo matorero; ibyo byose ni byo. Ariko, byose byahindutse imikorere mihibano. Kandi nta bushyuhe bukiriho bw'Umwuka Wera. Murabona?

Murebe noneho icyo Avuga aha, murabona:

Nzi imirimo yawe. . . yuko udakonje kandi ntubire. Iyaba wari ukonje cyangwa wari ubize! Nuko rero kuko uri akazuyazi, udakonje ntubire, ngiye kukuruka. Noneho, aravuga ati "Iyaba wari ukonje cyangwa wari ubize. Nuko rero ubwo utari kimwe cyangwa ikindi, ngomba kwitandukanya nawe, ni ibyo, kukujugunya nkukuye mu kanwa Kanjee."

62 Noneho, bafite amafaranga menshi, bafite inyubako zikomeye, bafite ibigo bikomeye by'ubucuruzi bikora, ariko ntibafite ubushyuhe bw'Umwuka Wera. Yoo! Bafite imashini, imikorere. Yoo! Mbega ! Bafite itorero ryishyize hamwe. Ngaho noneho! Bafite inyubako zikomeye cyane kurusha izo bigeze bagira, kandi ibintu biragenda, nyamara ntibafite Umwuka Wera! Murabona? Umwuka Wera nyamara ni cyo Imana yoherereje Itorero. Noneho, mu gihe turi gukomeza n'umurongo wa 16.

Bafite ubwoko bwose bw'amashyirahamwe. "Yoo, dufite imikorere myiza muri ibi bintu. Ishyirahamwe ryo gufasha abagore bakuze, umugoroba wa "pinochle" [Umukino w'ikarita - N.D.T.] ku bantu bakiri bato, ubujura bwo ku wa gatanu nimugoroba, basket-ball yo ku cyumweru nyuma ya saa sita, na, yoo! baseball yo ku munsi runaka. Kandi yoo! dufite ishyirahamwe ryo kuganira ry'abagabo. Kandi yoo! dufite ubwoko bwose bw'ibintu!"

63 Ndababwiza ukuri, rifite amashyirahamwe arenze, amakalabu, amateraniro n'ibindi byose mushaka, ariko ntirifite ubushyuhe na buke bw'Umwuka Wera. Murabona, mufite imikorere ikomeye, ariko nta kintu na kimwe mufite aho cyo gushyushya. Mushyushya n'ubushyuhe bw'isi, ariko si ubw'Imana, ni yo mpamvu ari akazuyazi.

Yoo! mufite abayoboke benshi cyane kurusha ikindi gihe! "Ni byo, mukunzi wanje! Noneho, twagize miliyoni irenga mu 1944!", ni ko abatisita bavuze. Ariko ni iki mufite? Imikorere ikomeye!

Rwose ni muri iry torero rimwe numvise bavuga ko bagombaga gusezerera abantu iminota cumi n'itanu kugira ngo bahe pasiteri, abadiyakoni bose n'abandi bose, umwanya wo gusohoka ngo banywe itabi, hanyuma bakagaruka. Murabona? Ngaho aho bari. Bibiliya ibyo ibiciraho iteka neza! "Nimwanduza uyu mubiri. . ."

64 Abaganga ibyo babiciraho iteka kandi bakavuga ko bitera kanseri. Hanyuma abantu bakanyura kuri Radiyo kandi bakavuga bat "Akayunguruzo k'umuntu utekereza."

Nk'uko Billy Graham yabivugaga ati "Kuva kera uwo muntu agomba kuba ari umusazi mu gutekereza muri ubwo buryo!" Noneho. . .

"Akayunguruzo k'umuntu utekereza. . ." Umuntu utekereza ntiyanya itabi na gato! Ni byo. Atekereza inshuro ebyiri. Kandi babwira abagore ko bituma bananuka, murabizi, kandi ko ku bw'ibyo bashobora kuzambara ubwo bwoko bushya bw'amakanzu bafite. Ngaho rero! Ibyo bituma isigara zucuruzwa! Ubu hari abagore benshi banya itabi kurusha abagabo banya isigara, kandi abagore banya itabi inshuro eshatu kurusha abagabo. Ni ukuri nyako! Kuko bashaka kunanuka. Ntibumva ko ari igituntu, kanseri n'ibindi bintu, ku rwego rwo hasi cyane bibahindura gutyo, kandi iyo bigeze mu mibiri yabo, birabamunga gutyo kandi bikabica. Nta kintu gishobora gusohoka muri ibyo uretse ikibi! Ni byo! Murabona? Kandi ibyo ni akayunguruzo k'umuntu utekereza! Yoo! Mbega!

65 "Oya oya oya, ni ko muzavuga, ariko dufite. . . Mwene Data Branham, ibyo simbyemera! Dukora amateraniro akomeye! Murebe ibyo Billy Graham yakoze mu gihugu!" Yoo, nta gushidikanya, ni imikorere ikomeye, hamwe n'abavugabutumwa bwiza bahawe akazi n'abayobozi b'indirimbo bahembwa!

Yego, baha akazi abavugabutumwa! "Noneho, ni angahe muzampa ninza gukora ubwo bubyutse? Noneho, niba mudashobora kumpa ibihumbi by'amadolari, sinzaza rwose (ni byo)! Noneho ni nde

muzarekera kuyobora indirimbo? Noneho, muzahe akazi umuntu Runaka, ni umucuranzi ukomeye! Mumuhe akazi. . . We wenyine azakurura kimwe cya kabiri cy'abari muri sale!"

Abacuranzi bahembwa! Abavugabutumwa bahembwa! Noneho, ibyo byageze aho kunguka ubugingo bihindutse ubucuruzi. Kunguka ubugingo, si umurimo w'itorero, ni uw'imbaraga z'Umwuka Wera mu itorero. Kuronka ubugingo ni iby'Imana, ibyo ntimubigura amafaranga! Oya rwose! Oya! Ibyo byose, ni imirimo, imirimo, imirimo! Abavugabutumwa bishyurwa, abayobozi b'indirimbo bishyurwa, amakorali yishyurwa n'ibindi byose bisigaye! Imana ntikeneye ibyo; ibyo byose, ni imirimo! Imana ntikeneye imirimo, Ishaka ko Umwuka Wera akorera muri mwe. Ni byo!

66 Umurongo wa 17 haravuga hati:

Kuko uvuga uti "Ndi umukire, ndatunze kandi ndatunganiwe nta cyo nkennye", utazi yuko uri umutindi wo kubabarira. . . (yoo!) kandi uri umukene n'impumyi ndetse wambaye ubusa. . . (Hum, hum!)

Bibwira ko bakize, abo bapantekote b'ayo matorero y'igisekuru cya nyuma cy'itorero! Batekereza. . . Kandi mu bigaragara, ni ko bari! Yego, mugenzi. Barakize! Mutekerezeho gake kuri iryo torero; hashize imyaka mike, ryari rihagaze mu nguni, riva ahantu hamwe rijya ahandi, ryanyuraga mu bihe bikomeye. Ariko ubu, bafite inyubako zikomeye cyane zaba ziraho.

67 Murebe aho izo Assemblées de Dieu (Amateraniro y'Imana) zakoreraga amateraniro yazo mu nyubako zisanzwe z'ibiti, mu kintu nk'iki; ariko ubu, bubaka inyubako ya miliyoni esheshatu z'amadolari, kandi bakavuga ko Yesu aje vuba! Imirimo yanyu yerekana ko mutabyizera! Ni uburyarya! Bubaka inyubako zifite agaciro k'amamiliyonu y'amadolari kandi bagakora ibantu nk'ibyo, kandi bavuga batu "Yesu aje vuba!" Kandi abakene b'abamisiyoneri, mu mirima y'"ubumisiyoneri, ntibananfite inkweto, abamisiyoneri nyakuri batinya Imana, badafite inkweto kandi bagatungwa n'irasiyo ebyiri z'umuceri mu cyumweru! Barya gusa inshuro ebyiri mu cyumweru kugira ngo bashobore gutwara Ubutumwa bwiza mu ishyamba n'ahantu nk'aho, kugira ngo babushyire bene Se babo! Natwe, turi kubaka inyubako za miliyoni esheshatu z'amadolari n'insengero z'ibirahure bikomeye n'ibindi byose bisigaye, kandi tugashyira amafaranga yose muri ibyo bintu! Yoo, ndetse bafite amafaranga menshi, ku buryo rimwe na rimwe, baba bafite amashyirahamwe atanga imyenda mu matorero yabo ndetse. Ni byo!

Imbere baba bafite umuganga wo gusuzuma abavugabutumwa babo cyangwa abamisiyoneri babo. Niba hari umuntu ushaka kujya mu mirima y'ubumisiyoneri, bamukorera ikizami kugira ngo barebe niba - cyangwa ahubwo ikizami cyo mu mutwe ngo barebe - niba - yoo! niba ku bijyanye n'urwego rw'imitekerereze, ubwenge bwe ari buzima. Murabona? Ni Umwuka Wera usuzuma ibyo, ntimukeneye umuganga w'indwara zo mu mutwe!

68 "Kandi turi abakire, nta kintu na kimwe dukeneye!" Yoo, nta gushidikanya. Mufite amafaranga menshi! Inyuma, murakize cyane. Mufite inyubako zikomeye, ibirahure. . .

Kandi bafite abavugabutumwa b'intyoza! Oh! La la! Ibi, ndabibbwira, ni intyoza mu by'ukuri! Bashobora kumara ijoro ryose bavuga, nta kindi uretse kuvuga! Murabona? Ngaragaza ibantu batakagombye kuvuga. Murabona? Barahaguruka kandi ni ibantu by'ubwoko nk'ubwo; atangira kuvuga gake kuri ibi no kuri biriya. Muzi ukuntu bigenda. Abaririmbyi bahembwa. . . Ni byo. Byiza. Ni abavugabutumwa b'intyoza, iyo bazamutse ku ruhimbi. Iyo batambaye ikositime yitwa smoking ifite ikora rireba inyuma, bambaye ubwoko bw'ikote runaka, rwose, ubwo ababumva bumva babangamiwe.

69 Noneho abo baririmbyi bakaza aho, abo bagore, hamwe n'imisatti yogoshe migufi nka Yezabeli kandi no mu maso hasize irange ryinshi nk'iryo basige ikigega! Iyo bavuye muri iyo kanzu, bambara amakabutura n'imyambaro y'abagabo, kandi Bibiliya iravuga iti "Iyo umugore yambaye umwambaro w'umugabo, biba ari ikizira mu maso y'Imana!" Bagenda mu muhanda n'izuru rizamuye, imvura iramutse iguye, ryakuzura amazi! Ba Yezabeli babyimbye, birata kandi b'abibone! Ni yo mpamvu tudafite ububyutse, ibyo byose ni imikorere gusa ikomeye.

Yoo, mushobora kugira ijwi nk'irya marayika ukomeye, ariko Imana izabibabaza! Abo ba Elvis Presley n'abandi, Ernie Ford, cyangwa amazina yabo yose, bafite ayo majwi meza kandi bakayakoreshereza umubi, Imana yaravuze iti "Nzabibabaza."

70 Impamu nubaha impumyi Fanny Crosby, nuko atigeze na rimwe agurisha impano isi. Yayirindiye Imana.

Bensi muri abo bantu, abaririmbyi bakomeye, abantu b'intyoza, abantu bakomeye, n'ibindi. . . aho gukoreshereza impano zabo Imana, umubi yaraziyobeje none ziri aho ziri kumukorera. Ibyamamare, ibyamamare bya radiyo na televiziyo bigurisha ku isi aho kubiha Imana. Bamwe muri bo baza gusenga, bajya gusenga bambaye ikanzu nziza nini, bakajya aho kandi bakaririmba gutyo, hanyuma bukeye bw'aho nimugoroba, bagasubira kuririmba rock'n'roll. Ni nk'abo baririmbyi tuzi kandi b'abayoboke b'amatorero; bajya aho noneho bagakina izo filimi, izo filimi za sinema, bajya aho kandi bakaririmba ibishegu. Ni abami b'ibishegu, kandi bakiyita abantu basenga! Ni umutego w'umubi!

71 Umugabo umwe, w'aha, wari ufite imyumvire myiza cyane kandi wavugaga ko azaba umuvugabutumwa, yagiye kubwiriza ku cyumweru mu gitondo, hanyuma aya aho ku cyicaro cya radiyo noneho aririmba rock'n'roll n'ibantu nk'ibyo; mu kurangiza, noneho yafashe pisitoli noneho yikuramo ubwonko. Uwo mugabo mwubahira ko yabikoze! Ni byo! Ni byo! Uko bimeze kose yari afite imyumvire nk'iy'ingurube: igihe umubi yazinjiragamo, zikubise mu nyanja kandi zirarohama. Abantu bamwe ntibafite irenze iyo!

Nzi ko mwe. . . Sinkunda kuba umuntu ukomeye gutyo, ariko, bene Data, bashiki bacu, mukwiye - mukwiye kwinjiza icyo kintu cyane kugira ngo mutume gikomera! Ni ibyo bihe turimo! Ndatekereza ko niba Yesu yarafashe Herode nk'ingunzu ishaje, kandi niba Yohana yarabafashe nk'ubwoko bw'incira. . . Byiza!

72 Bafite inyubako, ibirahure, abavugabutumwa b'intyoza, abarimbyi bahembwa. Yego, mugenzi! Ariko ni iki kiri muri ibyo byose? Ni iki kirimo aho? Nta Mwuka Wera! Bahaguruka aho noneho bagasohoka bambaye amakabutura, hanyuma bakagaruka bakarimba indirimbo. Abatindi b'indyarya! Yego, mugenzi! Ni byo.

Namwe, bavugabutumwa mujya mu iteraniro nk'iryo aho muri iryo rindi, kubera ko babaha amafaranga menshi! Abajura! Ntimukwiye kuzamuka ku ruhimb. . .? . . Amafaranga! "Niba mudashobora kuduha ingano runaka y'ibihumbi by'amadolari, noneho, ntitzaza. Abashinzwe gucunga ibyacu n'abandi bazaza; niba mushobora gukusanya iyo ngano, tuzaza. Niba ntashobora kubona ubufatanye bwuzuye hamwe namwe, sinzaza. Niba umuntu wese, amatotorero yose adakorana mu buryo bwuzuye kugira ngo mbone amafaranga ahagije ngo nishyure imyenda (ideni) yanje, sinzaza!"

Bene Data, umuntu nyakuri w'Imana, niba Umwuka Wera amuyobora, uko byaba bimeze kose. . . niba agomba kurya biswi yumye no kunywa amazi y'isoko. Ni byo, ni umukozi nyakuri w'Imana.

73 Ariko abantu binjiye mu biganiro byo kuri radiyo, bya radiyo na televiziyo n'ibindi bintu byose by'isi, ku buryo babonye amafaranga menshi. Ni ukuri kuzuye! Murabona? Ibyo ntibiva ku Mana.

Yaravuze ati "Yoo, urakize, kandi nta kintu ukeneye!" Byiza cyane! Ariko ikintu cy'ukuri mukeneye, ntimugifite. Ni byo. Ariko ntimubizi. Murabona! "Ndakize, nta kintu nkeneye." Bahemberwa gukora ibantu bakora, bakina amakarita. "Yoo, ni ko muvuga, dufite assemblées zikomeye!" Yoo, nta gushidikanya. "iteraniro rikomeye cyane. . . Noneho, murabizi, meya w'umuysi ateraniro mu rusengero rwacu." Yego, yego. "Noneho, murabizi, Runaka, iyo aje mu muysi, aza mu rusengero rwacu (yego yego). Dufite ibyamamare byose mu rusengero rwacu!" Yego, noneho reka umukene wera ukennye aze mu rusengero rwanyu, ni umugayo kuri mwe. Ntimuba munabishaka! Mugira ubwoba ko umuntu umwe yavuga ati "amina!" mu gihe mubwiriza.

74 Ni nk'ubo mugore muto nasomeye amateka mu gitabo gito aho. Yagiye mu rusengero rumwe. Yari yararereye abana be mu itorero rimwe mu buryo bwa kera, imbere mu biti, ahantu runaka aho abantu beraga cyane. Umunsi umwe, umuhungu ukiri muto yaje kurongora umukobwa we. Yavugaga ko ari uwo mu itorero ry'ahandi, murabizi, mu nsengero zikomeye z'idini rimwe, mu muysi. Noneho ubwo yabwiye nyina ko yari umukiristo. Arongora uwo mukobwa kandi aramutwara.

Noneho, byarangiye, amukuye mu rusengero ruto rwa kera rwo mu cyaro aho mu misozi kugira ngo amujiyane muri urwo rusengero runini cyane kandi rwiza rw'izina rimwe, nyamara aho hakurya, bari bafite Umwuka Wera; aha, nta kintu bafite. Ku bw'ibyo, igihe bazaga muri urwo rusengero rukomeye cyane kandi rwiza. . .

75 Umunsi umwe, nyina yiwira ko agomba kujya kureba umukobwa we. Noneho, bibazaga icyo bazamukoresha. Ku bw'ibyo, igihe yahageraga, yasaga nk'umuvugwa uvuye mu gitabo gishaje! Yari afite imwe muri izo kanzu zizamutse, murabizi, n'amaboko maremare; yari yagaruye imisatsi ye inyuma kandi isura ye yari inyorotse nk'igitunguru gishishuye (cyagaruve inyuma, murabizi). Igihe yahageraga, arababwira ati "Alefuya, bakunzi banjye! Mumeze mute mwese?" Noneho, aravuga ati "Noneho, ejo mu gitondo, ni ku cyumweru, ni ko yavuze, mwese mujya mu iteraniro, si byo?"

Umugabo w'umukobwa we aribwira ati "Ni iki tuzamukoresha?" Murabona? Aribwira ati "Ntidushobora kumujiyana aho hakurya gutyo! Ni ko yibwiye. Rwose, mu by'ukuri sinzi icyo nakora!" Noneho, aravuga ati "Mama, ndababwiza ukuri, twe du. . ."

Aramusubiza ati "Yoo, ariko mukunzi, sinshobora kwibuza kujya gusenga! Nta gushidikanya aha hafi hari urusengero runaka." Yoo, ya. . . Aravuga ati "Ndarufite, aho mu nguni, ngiye kujyayo!"

Noneho aravuga ati "Yoo, noneho, biraba ngombwa ko tujyayo!"

76 Ku bw'ibyo, igihe bajyagayo, baramuretse abanza kugenda, kubera ko yari abateye isoni. Ubwo yambuka umuhanda yambaye iyo jipo ntoya, murabizi, hamwe na Bibiliya ye mu maboko. Ariko, bene Data, birashoboka ko atari afite izina rye mu gitabo cy'isi, ariko nizera ko izina rye ryari ryanditse mu Gitabo cy'Ubugingo cy'Umwana w'intama. Ni cyo cyari icya ngombwa!

Igihe yinjiraga mu rusengero, ajya imbere, murabizi, afungura Bibiliya ye noneho atangira gusoma, buri muntu yatangiye guhindukira yibwira ko umuntu ujyana n'ibya kera aturutse ahantu runaka. Bahindukiraga gutyo, batangaye bati "oh! La la!", muri iyo myenda myiza yose, bari bambaye, murabizi, mu makanzu yabo meza, n'ibindi byose, ari cyo cyashushanyaga neza Lawodikiya. Barahindukira ngo barebe uwo mumama muto wicaye aho, usoma Bibiliya ye, isura ye yagaragazaga kumwenyura. Yego!

77 Hashize igihe gito, nyuma y'ibikorwa byabo byose byabanje, hari hasigaye gusa iminota cumini n'itanu kuri pasiteri yo kubwiriza. Ubwo noneho arahaguruka kandi aravuga ati "Umwami ni mwiza!"

Uwo mugore aravuga ati "Imana ihimbazwe! Ni byo! Aleluya!" Umuntu wese arahindukira arambura ijosi nk'ibishuhe, yibaza ati "Ni nde?"

Noneho nyuma y'umwanya, pasiteri aravuga ati "Hem, hem, hem!" Aravuga ati "Igihe cyose, abakirisito bakagombye kugira umwete, abakirisito beza kandi b'inyangamugayo!", cyangwa ikintu nk'icyo.

Uwo mugore aravuga ati "Imana ihimbazwe! Ni byo!" Kandi barongera barahindukira.

Kandi pasiteri arongera ati "Hem!" atera ijisho ku badiyakoni.

Noneho, umudiyakoni arabyumva. Ajya aho inyuma, afata uwo mugore muto mu kuboko, amujyana hanze avuga ati "Muri guca mu ijambo pasiteri!"

Mwarapfuye, kandi ntimubizi! Yego! Yoo, ibrahure byanyu bifite akahe gaciro? Izo ntebe zanyu zihenze zifite akahe gaciro? Kandi izo assemblées zanyu zikomeye zifite akahe gaciro? Mwese muri kujya ikuzimu, nk'igishwi mu cyari cyacyo! Kuko niba mudafite Umwuka w'Imana, mwarazimiye! Ntimushobora kubona Ubwami bw'Imana keretse muvutse ubwa kabiri.

Birasharira! Ni nk'igihe mfashe amavuta y'uruyuzi (ricin). Naravugaga nti "Mama, sinshobora no kuyihanganira!"

Yaransubizaga ati "Niba bidatuma urwara, ubwo nta cyo bizakumarira.

Nizera ko ari ko bimeze na none kuri ibyo bintu.

78 Yoo, niba mushaka kubavugisha. . . Bafite inyubako nziza kandi zikomeye, n'ibindi byose bisigaye. Yoo, ba. . . Nimujya mu rusengero rwabo noneho bikabaho ko muvuga muti. . . Nimujya mu rusengero rwabo noneho mukavuga muti "Noneho, mwumve, muri abapantekote?"

- Yoo yego. Yego yego, neza cyane, turi abapantekote!

- Mwizera kuvuka bwa kabiri?

- Neza cyane!

- Noneho, ndashaka kubereka ikintu. . .

Yoo, murebe iyi nyubako! Muzi ayo iyi nyubako - iyi nyubako yaguzwe? Byasabye kimwe cya gatatu cya miliyoni y'amadolari kugira ngo bayubake. Murabizi, kera, ibyo ntitwari tubifite. Twajyaga kubwiriza aho mu muhanda!" Yego yego kandi aho mwareba hose, mubona ibyo bintu byose bikomeye bafite. Yego, mugenzi. Noneho ubwo, baravuga bati "Yoo, dufite ibyo bintu byose! Igihe cyose bakunda kwerekana umubare w'inzu batunze. "Murebe igitabo cy'ishuli ryacu ryo ku cyumweru, mbega ukuntu ari kinini!" Ibyo bimaze iki niba badafite Umwuka Wera?

Ndakize, narakize, kandi nta kintu nkeneye. Ni cyo Yavuze ati "Ni byo mwizera, ariko ntimuzi ko muri abakene, mubabaje, abatindi, impumyi kandi mwambaye ubusa. Ntimubizi!" Murabona? Ni gutyo!

79 Yoo, nta gushidikanya ko bavuga bati "Muzi iki? Twari. . . urusengero ruto twakoreshaga kera ruri hariya hakurya inyuma; none dore urusengero runini." Ariko, ndababwiza ukuri, nta mutwaro bafiteye ubugingo, ariko bagomba gukora ku buryo bita kuri ibyo bintu byose! Amashyirahamwe y'abagore n'ibindi byose bisigaye, bagomba kubyitaho neza, ariko ntibafite umutwaro ku bugingo bwazimiye! Yoo, nshuti zanje, mbega imi - imimerere ibabaje iri torero ryaguyemo!

Ntibari bafite umutwaro w'ubugingo, ahubwo uw'ubukire bwabo. Ni byo! Bari bafite umutwaro mubi. Bari bafite umutwaro w'ubukire bwabo, ariko si umutwaro w'ubugingo bwazimiye. Ibyanditswe biravuga biti "Ntibari bazi ko abantu bababaje, (yoo) abatindi, impumyi!"

80 Bizeraga gukusanya amafaranga kandi bagahindura isi. "Yoo, iyo tuza gusa gushobora gushyiraho gahunda yo kwakira amafaranga menshi aha, ndizera ko twashoboraga. . . guhindura isi! Niba abakire bamwe b'itorero ryacu, Mwene Data Branham, iyo tuza kubabona, nizera ko twashobora gushyiraho ishyirahamwe ryashobora - ryashobora kujya ahantu hose kugira ngo rihindure isi. Dushobora gufata indege, noneho tukohereza inyandiko ahantu hose muri Afurika kandi tugakora ibintu nk'ibyo. Iyo tuza

gusa kugira amafaranga make. . Bene Data, si amafaranga azahindura isi. Isi izahindurwa n'Umwuka Wera, n'ikibwiriza gifite imbaraga y'Umwuka Wera, kandi umusaraba ni cyo kintu cyonyine kizahindura isi. Gahunda y'Imana, si amafaranga, ni Umwuka Wera! Iyo ni yo gahunda y'Imana, si amafaranga, ni Umwuka Wera! Iyo ni yo gahunda y'Imana ku gisekuru cy'itorero rya Lawodikiya, no ku bisekuru bindi byose by'itorero. Nta gushidikanya!

81 Ni Umwuka Wera bakeneye!

Yoo Baravuga bati "Turi - dufite izahabu." Ni byo rwose ni izahabu, ariko si ubwoko bwiza. Bari bafite izahabu nyinshi, ariko si ubwoko bwiza! Noneho, ni yo mpamvu Yesu noneho yababwiye ati "Nzi ko ukize, ko ufile izahabu, ko nta kintu ukeneye ariko. . . Ndakugira inama yo kunguraho izahabu yatunganyijwe n'umuriro. . . (ubwoko bw'izahabu itandukanye, yego, izahabu yatunganijwe mu itanura ryaka umuriro, yanyuze mu muriro w'urupfu, yanyuze i Karuvari kandi ikavayo). . .

82 Igice kinini cy'iyo zahabu mufite ubu cyaguye umugesi, kizangirika kandi cyandure. Niba mushaka kubyandika, ibyo biri muri Yakobo. . . Mutagatifu Yakobo 5.1 kugeza kuri 4; noneho, muzumva ko ibyo bishatse kuvuga, haravuga ngo "Mwebwe noneho, bakire! (noneho, mu Kuza k'Umwami). Muzarire kandi mutake ku bw'ibyago bizabazaho. Izahabu yanyu yarangiritse." Murabona? Ni ubwoko bw'izahabu yatunganijwe niba ushaka kuba umukire. . ." Yoo, yego!

Ariko izahabu Yesu atanga, ni Umwuka Wera, Amavuta atatse y'Umwuka, Asuka mu mutima wanyu. Noneho - noneho, yoo! Mbega ! Aratugira inama ati "Ngwino unguereho izahabu yatunganyijwe niba ushaka kuba umukire. . ." Yoo, yego!

83 Byongeye bari impumyi. Noneho, ni imimerere iteye agahinda. Ariko ndatekereza ko abo bakiristo ahubwo batarebaga neza kurusha uko bari impumyi. Nizera ko batarebaga kure. Ikintu kimwe bashoboraga kubona, ni inyubako zabo zikomeye. Ikintu kimwe bashoboraga kubona, ni assemblée yabo ikomeye. Ikintu kimwe bashoboraga kubona, ni amakorali yabo meza n'amakanzu yabo ahenze n'ibyo bintu byose. Ndatekereza ko barebaga hafi gusa kandi bakaba barashoboraga mu buryo bugoranye kureba kure harenze ku zuru ryabo. Sintekereza ko bari impumyi, barebaga hafi gusa. Ibyo bashoboraga kubona gusa byari . . ."Noneho, murazi? Turi ab'ibi na biriya!", amadini yabo akomeye, hamwe na assemblées zabo zikomeye, abayoboke babo benshi, ishuli ryabo ryo ku cyumweru, inyubako zabo nziza.

..

84 "Ariko icyo bari bakeneye, wari Umwuka Wera", ni ko Yesu avuga. Bari bakeneye Umwuka Wera! Ni yo mpamvu Umwami ababwira ati "Amaso, uri. . . Kureba kwawe ni kubi cyane, ureba hafi ku buryo nta kindi ushobora kubona uretse urusengero rwawe rukomeye, assemblée yawe nziza kandi ikomeye, kandi - meya w'umuji n'abandi basengera mu rusengero rwawe, kandi iwawe ufile ibyamamare. Ariko Njyewe, waranyibagiwe!" Ariko uri impumyi cyane kandi amaso yawe ari mu mimerere mibi cyane. Ndashaka kukugurisha umuti wo gusiga ku maso. Yego."

Murabona, biratangaje ko abo badogiteri muri tewolijiya batawufite, si byo? Bafite imibavu myinshi, bafite tewolijiya nyinshi. Ariko bakeneye umuti wo gusiga ku maso, Umwuka Wera, kugira ngo basige ku maso yabo, ku buryo bashobora gutegereza Kuza k'Umwami, bashobora kwita kuri Bibiliya, bashobora kwita ku Ijambo. Bazi kuvuga neza cyane bati "aaamina". Bafite umubavu; bose bafite pomade, ariko Umwami avuga ko bakeneye umuti wo gusiga ku maso. Aravuga ati "Ukeneye umuti muke wo gusiga amaso yawe, kandi uwo uzayahumura."

85 Kera, igihe nari nkiri umuhungu muto. (Ndizerwa ko nabivuze, namaze kubivuga muri uru rusengero, ariko ibyo ndabyibutse ubu). . . Narerewe aho hakurya mu misozi y'i Kentucky, nibura mu gice kimwe, kandi twabaga mu nzu ishaje y'imba. Mama. . . Yumvise. . . Hari icumba gito gishaje mu itaje twashyiragamo isaso yacu. Noneho, hejuru y'iyo saso, hari matola ikoze mu mababa. Sinzi niba muzi matola yo mu mababa, cyangwa isaso; ni uburiri bwa kera, twari abakene cyane. Papa na mama bari bafite uburiri bwabo hasi. Ni ukuvuga ko twazamukiraga ku rwego ruto kugira ngo tugere hejuru, noneho rimwe- . . . rimwe na rimwe, mama yaramburaga igisate cy'igitambaro hejuru y'amashuka kandi byose ku bwo kurinda. . . Murabizi, twashoboraga, igihe duhagaze - turyamye aho, bitewe n'urumuri rw'ukwezi, kubara inyenyeri turebeye muri izo mbaho zishaje zari hejuru, murabizi, kuko hari imyenge minini nk'iyi mu gisenge.

86 Noneho iyo habagaho ko hagwa urubura cyangwa ikintu nk'icyo, imvura ikagwa, twebwe abana, twihishaga munsi y'icyo gitambaro murabizi, kugira ngo turinde - kugira ngo tudatoha. Kandi rimwe na rimwe, kubera umuyaga wahuhaga unyuze muri iyo myenge, twa - twa - twarwaraga ibicurane, noneho amaso yacu akaguma afatanye, murabizi, yafungwaga n'umuyaga, ubukonje mu maso yacu. Noneho ku bw'ibyo igihe mama yaduhagaraga mu gitondo ngo tumanuke, naravugaga nti "Sinshobora kuza, mama, kubera ko amaso yanje yafatanye!" Nari mfite - nari mfite icyo kintu mu maso, murabizi, kubera ubukonje. Sinashoboraga kongera kuyafungura, murabizi. Umwe mu bana yabaga akiryamye aho, nanje na Humpy n'abandi, twageragezaga gufungura amaso, ariko ntitwabishoboraga. Twari impumyi.

87 Sogokuru yari umuhigi, yafashe imikara mu mitego, imikara. Iwacu, ibinure by'umukara byari umuti. Babisigishaga inkweto. Iyo twabaga turwaye angine, mama yabivangaga n'amavuta y'igititita bita térebenth, noneho bakabiduha tukabimira, iyo twabaga turwaye angine.

Noneho iyo ibifuniko by'amaso yacu byafataga, mama yafataga ibyo bintu. . ." Byiza cyane, mukunzi, rwose umunota umwe." Yirukiraga mu gikoni gufata ikinombe cye kinini cy'ibinure by'umukara yashyiragaho kugeza igithe ibinure bishyuhije neza. Noneho akazamuka noneho akadusiga ku maso, murabona, kugeza ibinure byinjiye neza. Mu mwanya muto, nashoboraga kureba, gufungura amaso. Muza fate. . . ibinure by'umukara byabaga byayafunguye.

88 Twagize imiyaga iteye ubwoba. Murabona? Hari ubukonje buteye ubwoba bukubura igihugu, umuyaga uvuga uti "Iminsi y'ibitangaza yararangiye. Umwuka Wera ntubaho, kuvuga mu ndimi ntibikibaho. Nta mubatizo mu Izina ry'Umwami Yesu!" Kandi yoo, habayeho ubwoko bwose bw'imiya, kandi byafunze amaso menshi bikozwe n'ubwoko bw'ubukonje bw'umwuka. Hazakenera ikirenze ibinure by'umukara ngo kibafungure amaso, bene Data! Hazakenerwa umubatizo mushya w'Umwuka Wera. . .? . . kugira ngo usige amaso yanyu kugira ngo mubone, ku bwo gukira miyopi yanyu, kugira ngo mushobore kubona ko Ijambo ry'Imana ari Ukuri. Ni byo! Yoo! "Ndakugira inama yo kunguraho umuti wo gusiga ku maso." Ikintu runaka cyo gusiga ku maso yanyu. Murabyumva! Yoo!

89 Abadogiteri muri tewolojiya bafite tewoloji yabo bwite, imibavu yabo n'ibindi byose, ariko hakenewe ibirenze ibyo. Umwuka Wera wonyine ashobora gutanga kubona k'umwuka kwemerera kubona imbaraga zo mu ijuru mu bikorwa. Umwuka Wera, umuti wo gusiga ku maso w'Umwuka Wera! Umoti wo gusiga ku maso, ni amavuta afashe, turabizi, ni ukuvuga ko Umwuka Wera ari Amavuta y'Imana.

Iyo mibavu yose n'izo tewolojiya zose! ". . . Yoo mwene Data w'igiciro, icyo mukora ni cyiza cyane!" Byose biri muri gahunda! "Kandi dufite urusengero runini kurusha izindi mu mujyi!" Uwo mubavu aho ntugenda. Oya! Ibyo bizateza uwo mwanya miyopi yanyu, kandi muzavuga muti "Yego, dufite urusengero ruruta izindi!" Ariko bizagenda gute mu Rubanza ruje, igithe Imana izababaza kwisobanura, bayoboke b'itorero rya Lawodikiya?

Si mwe rwose muri aha mvuga, ahubwo icyo mvuga kiri gufatwa amajwi kandi kizajya mu isi yose, murabyumva, ahubwo ubwo, ndabwira miliyonu nyinshi z'abantu. Murabona?

90 Noneho, ibyo ni byiza. Lawodikiya! Ni akazuyazi, ryasigaye inyuma, rirwaye miyope kandi nta kindi kintu nzi! Ni inyumbu! Inyumbu, ni imvange, igitangira nta myumvire na mike ifite. Iyo tuyivugishije, ihagarika amatwi yayo noneho ikavuga iti "Hi han!" Nta bugwaneza na bumwe muri yo. Ni imvange iri hagati yifarashi n'indogobe. Icyo ni cyo kibazo, uyu munsi: muvanga abanikolayiti n'abo muri Lawodikiya, noneho mukongera mukabona indogobe. Icyo dukeneye. . . Ni byo. Ntibabizi! Mubabwira gukiza kw'Imana, umubatizo mu Izina rya Yesu, noneho bakavuga bat "Hi han! Pasitera wanje nta. . . Hi han! Ibyo ntitubyizera, twebwe abaperesebiteriyene." Injiji! Ni gutyo twakagombye kubita.

Ariko mwe. . .

91 Nanga inyumbu. Ariko, ndabibabwira, nkunda ifarashi nziza y'ubwoko, icisha make! Noneho, bashobora kuyigisha ikintu. Bashobora kuyigisha kunama; no mu kibuga cy'imikino yo gusiganwa ku ifarashi, ikora urebye nk'umuntu, ubwo ari. . . hari ikintu izi. Igira amasekuruza. Inyumbu ntizi se cyangwa nyina, kandi ntishobora kororoka. Ni kimwe n'amwe mu madini ya kera akonje kandi atwarwa n'imigenzo, ntashobora rwose kongera guhaguruka. Itorero rikiba idini, rihita ripfa! Ntirizongera kubyuka na rimwe. Ni iki? Ni imvange.

Martin Luther yari ameze neza cyane, ariko igithe abantu bakoze idini, ni iki bakoze? Abametodisiti bari beza cyane, ariko igithe bakoraga idini, ni iki bakoze? Ubupantekote bwari mu mwanya neza, ariko igithe mwabukoraga idini, ni iki mwakoze? Mwarabivante noneho mubihuza n'itorero gatolika rya nikolayiti. Ni cyo neza mwakoze! Mwemeje uburyo bw'umutizo waryo, mwemeje uburyo bwaryo n'ibikorwa byaryo, kandi Bibiliya iravuga iti "Uri umukobwa w'umugore w'ubuzima bwanduye, maraya, umukobwa wa maraya!" Ni byo rwose!

92 Ifarashi nziza y'ubwoko, yego, icisha make. Yoo, ni ifarashi nziza; ndayikunda. Irambika umutwe wayo ku rutugu rwanyu, igira urukundo n'igikundiro. Kubera iki? Izi se; izi sekuru, izi se wa sekuru wayo. Ishobora kugaragaza amasekuruza yayo, igira amasekuruza!

Kandi nkunda kubona umukiristo nyakuri w'amaraso atunganye! Si abafite amabarua y'ubunyamuryango, bari abametodisiti icyumweru gishize, abatisita iki cyumweru, abapantekote icyumweru gitaha, n'abagenzi bo kwera icyumweru gikirakiraho! Ntibazi se cyangwa nyina. Ariko munyemerere mbabwire ko umuntu wabyawe n'Umwuka w'Imana ashobora kubagarura neza ku munsi wa pantekote, kandi ndabibabwira, afite inkomoko, ya Pantekote! Amina! Ndashaka kuba umupantekote kuva ku gasongero ku mutwe kugera ku bworo bw'ibirenge! Simvuga idini rya pantekote, ndavuga imbaraga nyakuri za Kristo wazutse, umugisha nyakuri wa Pantekote.

Umuti wo gusiga ku maso wo gufungura amaso yawe, kugira ngo mushobore kureba inyuma no kubona aho itorero ryaturutse. Mwishimira kureba icyo itorero ari cyo uyu munsi! Murebe inyuma noneho murebe aho rivuye, hanyuma mukomeze kwigira imbere musanga Imana noneho muzajya kure yaryo. Nta gushidikanya!

93 Byiza cyane, na none nabonye ikindi kintu; haravuga ngo "Bambaye ubusa - ubusa, kandi ntibabizi." Nta gushidikanya!

Yoo, kwambara ubusa kandi ntubimenye? Noneho, umuntu nk'uwo ari mu mimerere ibabaje. Niba umuntu ababaje, impumyi, umutinda kandi akaba yambaye ubusa, noneho, niba - niba abizi, azabivamo; ariko niba atabizi, icyo kiremwa gikennye ntikigifite ubwenge. Ese ni byo? Fiou! Bikomeyemo! Uwo muntu ntago agifite ubwenge bwe, ntazi ukuntu abyivanamo.

Iyo mubonye mu muhanda umuntu ukennye, umutindi, impumyi, ubabaje kandi wambaye ubusa, noneho mukamubwira muti "Mwene Data, wambaye ubusa!", azasakuza ati "Yoo, ni byo? Yoo, yoo mwene Data, mumfashe kwhisha ahantu runaka, mumfashe nambare!"

94 Ariko muzamubaze muti "Noneho rwose, mwakiriye Umwuka Wera mukizera?"

"Muri nde? Uwera watwawe n'umwuka? Noneho, muvuge rwose, ni iki mushaka kuvuga? Mwimbwira gutyo! Ndi umuperesebiteriyene; ndi umubatisita; ndi iki cyangwa ndi kiriya!"

Bambaye ubusa kandi ntibabizi. Noneho, si njyewe wavye ibyo, ni Bibiliya ibivuga muri iki gisekuru "Wambaye ubusa kandi ntubizi. Ngwino unguro imyenda. . ." Yaravuze ati "imyenda yera." Imyenda yera ni iy'abera; ni ugukiranuka kw'abera. Murabona?

Bambaye ubusa? Yoo, neza cyane! Nta gushidikanya! Yoo, muravuga muti "Mwene Data Branham, si itorero ryacu! Ni itorero ryambara neza mu mujyi wose!" Simbishidikanyaho! Muri ku isonga y'ibigeweho, imyenda yanyu ikatwa mu bitambaro byiza cyane, ni mwe muri imbere kuri mode y'ibyamamare by'i Hollywood, mufite igikundiro cyane ku buryo mukurura abagabo bose mu muhanda! Yego yego. Noneho, ni byo!

Umudamu yaramvugishaga, yaravuze ati "Mwene Data Branham, ni iki mushaka kumbwira? Noneho, tugura ayo makanzu mu mangazine kandi ni yo tubona gusa."

Ndamubwira nti "Baracyagurisha ibitambaro n'imashini zo kudoda! Nta rwitwazo mufite!"

95 Bibiliya iravuga iti "Umuntu wese ureba umugore akamwifiza aba yamaze gusambana na we." Ese ni byo? Byiza, niba rwose umugore yambara mu buryo bukurura kandi akigaragaza imbere y'umugabo, ni nde ukwiye kugawa? Ni umugore. Ni we wateje ibyo! Ni ukuri nyako!

Byiza, mushobora rwose kuba mutunganye nk'umwangange ku mugabo wanyu; mushobora kuba muri umukobwa ukiri muto utarigeze agira ikintu kibi akora mu buzima bwe, ukaba uri isugi ku munsi w'ubukwe bwawe, ariko nimwambara gutyo noneho mugatuma abagabo babareba gutyo, baba bamaze gukorana namwe ubusambani mu mutima wabo. Uwo munyabyaha yarabarebye! Kandi nk'umukiristo, mushobora kugira imyenda myiza cyane mu mujyi wose n'imyenda myiza cyane, ariko ntibikwiye ku wera w'Imana kwambara gutyo.

Yoo yego! Ntibikwiriye ku mwana w'Imana!

96 "Yoo oya", ni ko bavuga. Noneho, baravuga bat "Itorero ryacu. . ." Mwambara neza? Baravuga bat yego! Barakize. Nta kintu na kimwe bakeneye. Neza cyane! Noneho, baravuga bat "Ndetse pasiteri wacu asohoka yambaye ikanzu ihenze. Abaririmbyi bose bo muri korali basohoka bambaye amakanzu ahenze!" Ariko aho hasi, ni umubi wihihe! Yego yego. Yego yego! Yoo! Hum! Byiza, mpisemo kutabivuga, ndetse. . . Byiza cyane.

Yoo, ibyo bintu byose bikomeye! Abaririmbyi ba korali bambaye, abaririmbyi bahembwa; bagomba kubishyura kugira ngo baririmbe! Ni ngombwa kugira icyo baha umubwirizabutumwa, bitabaye ibyo azafata indi nshingano izamuhemba neza. Azateranyiriza hamwe inama y'abayobozi ngo ababwire ati "Noneho, bene Data, na. . . Mwambereye beza cyane aha, mwampaye amajana menshi ku cyumweru", cyangwa ikintu nk'icyo. "Ariko mu rindi torero ry'abaperesebiteriyene rya. . . (muryite pantekote cyangwa icyo mushaka cyose). . . aho hakurya, banse - bansezeranyije kumpa byinshi." Yoo! Mbega !

97 Noneho, ni iki umukene wera ashobora kwakira? Ni ayahe mahirwe afite? Itorero rito ryuzuye Umwuka Wera, ni ayahe mahirwe rifite? Ntirizigera rigira uburyo bwo kubyibonera! Ku bw'ibyo, Umwami abahagurukiriza noneho umuntu umwe (amina!), umuntu Yafashe mu kiganza Cye bwite; Amwuzuza Umwuka Wera noneho Amushyiraho nk'umurinzi mukuru w'itorero. Aramutuma. . . Aravuga ati "Ndakugira inama yo kuza ukanguraho imyenda y'umweru." Bibiliya iravuga iti "Imyenda y'umweru ni ugukiranuka kw'abera."

98 Noneho, ndizera ko. . . Dufate umurongo wa 19 noneho. Nizera ko turi ku murongo wa 20, ku cyo mbona; yego, yego, kandi turarangiriza aho. Noneho, mu by'ukuri mutuze ubu, mwumve noneho, mu gihe tubisoma. Mwumve:

Dore mpagaze ku rugi ndakomanga. Umuntu niyumva ijwi ryanje agakingura urugi, nzinjira iwe dusangire.

Unesha nzamuha kwicarana nanje ku ntebe yanje y'ubwami, nk'uko nanje nanesheje nkicarana na Data ku ntebe ye.

Ufite ugutwi niyumve ibyo Umwuka abwira Amatorero.

Ngicyo kimwe mu bintu bikomeye cyane nasomye mu Isezerano Rishya. Ndifuza ko mwakwitondera ibi: Mpagaze ku rugi ndakomanga. Uyu murongo ukreshwa muri rusange nko guhamagara abanyabyaha. Si byo? Turabwira abanyabyaha tuti "Yesu ari ku rugi, kandi arakomanga." Arik aha, Arakomanga ku rugi rw'itorero, kuko kera, Yagendanaga na ryo, arik mu kuba idini, gukunda isi kwaryo n'ubukonje bwaryo, ryaramujugunye. Ari hanze y'itorero.

99 Noneho, mu gihe turi gusoza, mwibuke ko mu gisekuru cya mbere cy'ibisekuru by'itorero, Yagenderaga hagati y'amatabaza arindwi y'izahabu (si byo?), ibisekuru birindwi by'itorero. Noneho aha, ku musozo, turamubona hanze y'irihe torero? Y'irya Lawodikiya, hanze y'itorero rya Lawodikiya! Baramubabariye - bamushyize hanze. Noneho, Yari ahagaze hanze. Agerageza kongera kwinjira! Mbega imbonerahamwe iteye agahinda! Umukiza w'isi ari hanze y'itorero Yacunguye n'Amaraso Ye bwite! Ikimwaro kuri ryo!

Mpagaze ku rugi ndakomanga. Nyuma yo gushyirwa ku ruhande, cyangwa yo gushyirwa hanze, hanyuma Ari kugerageza kongera kwinjira! Agarutse yingina kandi akomanga ku rugi. Ni umurongo ukomeye cyane wo mu Isezerano Rishya. Ndatekereza ko nta kintu giteye agahinda nk'iki: kubona Umukiza w'isi ajugunwa hanze y'itorero Rye bwite, muri iki gisekuru cya Lawodikiya. Nyuma yo kubereka icyo bakoze, icyari ubukire bwabo n'ibindi byose, imimerere barimwo, ukuntu bari akazuyazi, n'ibindi. . . bari bafite . . . Ntiyakeneye kubaruka, ni bo bamurutse, We! Arik nubwo bimeze bityo, aha Arakomeza gukomanga ku rugi kandi ari kugerageza kongera kwinjira. Kugira ngo bigende bite? Kugira ngo abahe Ubugingo buhoraho! Aragerageza gukiza ubugingo bw'abo ndetse bamwiciye i Karuvari! Ni imbonerahamwe iteye agahinda nigeze mbona mu buzima bwanje, ntigeze na rimwe ntekereza.

100 Bamushyize ku ruhande! Ni he Yashyizwe? Noneho mwumve neza, nshuti zanje! Ntibikomeye? Mushushanye neza iyo mbonerahamwe noneho mubireke byinjire mu mutima wanyu. Umukiza wacu, igihe Yari ku isi, yashyizwe hanze y'igihugu Cye bwite. Arangwa, Arirukanwa. Isi yamushyize ku ruhande kandi iramubamba. Noneho ubu, Yashyizwe hanze y'itorero Rye. Nta na hamwe bamushaka; ntibakimukene. Bafite idini, ntibamukene. Bafite papa, kubera iki noneho bakongera kumukenera? Bafite archevéque, umugenzi mukuru: ntibagikeneye Umwuka Wera! Ntibakimukene. Kristo, Umwuka Wera, ntibakimukene. Ku bw'ibyo. . .

Sinizera ko bamujugunye babizi, kuko ntibigeze bamenya ko Adahari. Ntibigeze babona ko Adahari, kubera ko bakomeje kumurimbira indirimbo; umubwirizabutumwa yamuvugagaho buri munsi. Rwose ntibigeze babona ko Adahari. Ahubwo ni ugukunda isi kwabo, amadini yabo, kuba barakoze idini, bavuga bati "Iminsi y'ibitangaza yararangiye. Ibi na biriya, ntibibaho!" . . .

101 Ndashaka kubabaza ibi, mwebwe abanyamateka: igihe cyose habagaho ububyutse. . . Noneho, muri ibi, muri aya matorero, buri nshuro habagaho ububyutse, bwaberaga buri gihe hanze y'amadini. Kandi umuntu wese wigeze atangiza ububyutse yabaga igihe cyose ari hanze y'amadini. Kandi igihe cyose ububyutse bwatangiraga, habaga hari ibimenyetso, ibitangaza, kuvuga mu ndimi, impano zo gukiza uburwayi n'ibindi byose bisigaye. Arik iyo uwabitangije yabaga apfuye, noneho, babikoraga idini, babikoraga idini, noneho bakajya neza mu rupfu; kandi Imana ntiyongeraga guta igihe Cyayo hamwe na bo. Ni byo neza!

None dore Ahagaze ku rugi aho, muri iki gikuru cya nyuma cy'itorero, Imana Ishobora Byose. Ibyo binshengura umutima kubitekerezaho! Umwami wanje Ahagaze imbere y'urugi rw'itorero Rye bwite, nyuma yo gushyirwa hanze no gukunda isi, ubukonje, idini no kutagira icyo bitaho; Ahagaze imbere y'urugi, akomanga, agerageza kongera kwinjira! Mu kubitekerezaho, hashize igihe gito, negamiye ameza yanje noneho ntangira kurira. Noneho ndibwira nti. . .

102 Nakunze gutekereza kuri Yesu yicaye aho mu nzu y'umufarisayo; nta muntu wamwitagaho, mu gihe Yari afite ibirenge byanduye. Ntibigeze bajya kumwakira ku rugi ngo bamwoze ibirenge kandi bamusige amavuta, ngo bakureho amase n'umwanda byari byagiye ku birenge Bye mu gihe Yagendaga. Imyenda Ye, yari yakubuye hasi, yari yagiye umuhumuro w'umuhandha wanyurwagaho n'amafarashi, n'ibindi. Kandi uwo munuko wari umuriho!

Buri gihe bozaga ibirenge by'abantu, wari umuco. Kandi umuntu wabaga ashinzwe koza ibirenge

yahagararaga ku irembo. Noneho iyo umuntu yinjiraga, yamwozaga ibirenge hanyuma akajya kumushakira inkweto z'isandali zimukwira noneho akazimwambika. Hanyuma akamusiga amavuta ku mutwe noneho aka. . . kugira ngo amutere umubavu no kugira ngo yoroshye ubushye bw'imirasire y'izuba ku ijosi rye, kandi akamutwikira umutwe. Noneho, uwo muntu akinjira.

103 Noneho bagaha ikaze umutumirwa mu buryo bukurikira: Pat, ngwino hano akanya gato, ndashaka kubereka ikintu. Nguko ukuntu babigenzaga. Bamwakiraga gutyo. Noneho, ndizera. . . Oya, ngwino hano! Ndizera ko cyari ikintu nk'icyo; batangaga ikaze gutyo, murabona, bararamukanyaga. Noneho, uwo muntu agahabwa ikaze.

Ariko igihe Yesu yazaga muri uwo munsi mukuru (kimwe neza nk'uko Yazaga aho ku munsi mukuru wa Pantekote) bamwe ntibamubonye. Abo ba eveke n'abandi bari aho bari bahugiye cyane mu bikorwa byabo bwite! Yesu yari yatumiwe, ariko nta muntu wamwogeje ibirenge. Yari yicaye mu nguni, yabonywe mu buryo bugoranye n'abatumire Be. Yari afite ibirenge bihumura nabi, Yari atwikiriwe n'umwanda n'umukungugu.

104 Noneho ubwo, haza umugore w'indaya w'umukene, amanuka mu muhanda; yari afite amafaranga make mu mufuka. Areba impande ze, abona Yesu, yicaye aho, hamwe n'ibirenge byanduye. Ibyo bimushengura umutima. Aribwira ati "Dore Umuntu wababariye ibyaha bya wa mugore wundi! Ni We numvise bavuga ko Yakijije abarwayi. Kubera iki batamwitaho?"

Kubera ko abo ba eveke n'abandi bose bari aho bari bamwanze. Kandi aho, ya. . . bari bamutumiye ngo aze!

Ni gutyo tubigenza! Tumutumirira kuza mu materaniro yacu, ariko igihe Aje, tumugirira isoni. "Yoo, sinakwifusa na rimwe kuvuga nti "Muhibaze Umwami! Yoo, oya! Mushiki wacu Dupont ni. . . Batekerezaga ko ndi uwera watwawe n'umwuka!" Indyarya! Ni byo! "Mfite ubwoba bwo kuvuga mu ndimi no gufatwa nk'uvuga mu ndimi." Muri umutindi w'umukene! Noneho, mwibuke, birakomeza (murabona?) "Urababaje, umutindi, umukene, impumyi, wambaye ubusa, kandi ntubizi."

105 Yesu yicaye aho, ibirenge bitogeje. Ariko indaya. . . ndayibona iza. . . tumurebe akanya gato. Ndamubona yinjira mu mangazini hanyuma akibwira ati. . . Noneho amarira atangira gutemba mu maso he. Aribwira ati "Sinshobora kubikora! Nubwo najyana iki kintu hariya, Azamenya aho nakuye aya mafaranga. Azi ukuntu nayabonye, ariko ni cyo mfite gusa!" Kandi ni cyo Ashaka gusa! Ni cyo Ashaka gusa! Nta bintu Akora! Muze gusa noneho muvuge muti "Nta kintu nzanye mu maboko yanjye!"

106 Agura amavuta ahumura neza noneho arayazana. Aza aho noneho aribwira ati "Yoo, iyaba gusa nashoboraga kumubona!" Hanyuma yinjira yitonze noneho yegera urugi.

Kandi, ntibari bamwakiriye neza! Noneho afata umukondo w'amavuta meza, arawumena noneho ayamusuka ku birenge bye atangira kubyozza. Yasukaga amarira atekereza ati "Yoo, agomba kuwa ari We! Nakunze gusoma kuri We muri Bibiliya. Nzi ko Azemera." Hanyuma, murabizi. . . Mbega amazi meza ku birenge Bye n'ayo marira yo kwihana yagwaga ku birenge Bye! Kandi kuko atari afite igitambaro cyo guhanagura ibirenge Bye, yakoresheje rwose imisatsi ye bwite! Ibituta by'imisatsi ye byari byabohotse byose, kandi amarira yatembaga ku matama Ye gutyo kandi amuhanagura ibirenge, kandi abiramutsa mu bihe bitandukanye; amwoza ibirenge gutyo.

107 Yesu yari afite ibirenge byanduye, kandi nta muntu n'umwe wigeze abyitaho. N'uyu munsi, Yambaye izina ryanduye ry'uwnera watwawe n'umwuka cyangwa ikindi kintu nk'icyo, kandi nta muntu ufite umwete wo kwifatanya na We!

Nzatwara uwo musaraba wejejwe

Kugeza urupfu rumbohoye.

Nzagendana n'itsinda rito ry'abasuzuguwe b'Umwami.

Natangiranye na Yesu,

O Mwami, Nyobora kugera ku ntego! (Nyobora kugera ku ntego, Mwami icyo byasaba cyose).

Nka Yakobo, mfite ibuye ryo kwisegura. Ibyo bihindura iki, nyuma y'icyo Yankoreye? Noneho iyo ndaya y'umukene yari aho, isakuza, irira! Noneho ako kanya, Simoni ahagarara aho, uwo muvugwa ukomeye wagombaga - wari wamutumiye, arabwira ati "Hum hum! Hum hum! Ngicyo ikigaragaza ko atari umuhanuzi, Yagombaga kumenya uwo mugore!" Indyarya!

108 Ku bw'ibyo, arangije. . . Noneho Yesu ntiyaneganyeza ibirenge Bye. Yari yicaye gusa, Yaramurebaga kandi Akamwitegerezza. Yoo, ibyo ndabikunda! Si ibantu bikomeye dukora, rimwe na rimwe ni ibantu bito dukora. Yaramwitegerezza, Yari yicaye aho kandi amwitegerezza gusa. Nta muntu wari umwitayeho; ariko nyuma, abantu bita kuri uwo mugore wariraga yoza ibirenge bya Yesu. Kandi uyu nta jambo yavuze.

Noneho uwo musaza Simoni ahagaze aho inyuma, avuga ati "Hum! Turebe niba Ari umuhanuzi cyangwa niba atari we, si byo? Nari nabibabwiye neza! Nari nabibababwiye neza! Iyo Aza kuba umuhanuzi, Aba yaramenye neza uwo mugore uwo ari we. Murabona, ni twebwe torero rikomeye aha. Murabona? Tuzi ibi bintu. Tuzi ko Atari umuhanuzi, niba atari ko bimeze Aba yarabimene!"

109 Nyuma, ya. . . uwo mugore arangije, amarira yo kwihana amaze gutemba mu maso he, amaze koza ibirenge bya Yesu, . . . Ndizera ko Yumvese ameze neza.

O Mana, mba narakunze kuba aho. Mba na none narabyogeje. Nta gushidikanya. Noneho, ntibyaba bikomeye ku mugore uyu munsi guhanagura ibirenge by'umuntu n'imisatsi ye? Byamusaba guhagarara ku mutwe kugira ngo abone imisatsi ihagije yo kubikora! Yose barayogoshe!

110 Arikko aho, ibirenge bya Yesu. . . Nta muntu witaga. . . (Umukobanyi), Yesu yagumye kwicara aho, mu kimwaro, ibirenge binuka. Arikko uwo mugore arabyoza. Nyuma yuko - byose birangiye, Aramureba asa nk'uvuga ati "Wakoze neza!"

Arahindukira, kandi aravuga ati "Simoni, Mfite ikintu nshaka kukubwira. Wantumiye aha, kandi ntiwansanganiye ku irembo. Ntiwampaye amazi yo koga ibirenge. Ntiwigeze usiga amavuta umutwe wanje igihe Ninjiraga, kugira ngo woroshye ubushye bw'izuba. Ntiwansomye umpa ikaze igihe Ninjiraga. Arikko uyu mugore w'umukene Yoo! Mbega ! Uwo mugore wanzwe, iyo ndaya ntiyari ifite amazi yo koza ibirenge Byanje, yabyogesheje amarira ye! Nta kintu yari afite cyo kubihanaguza, noneho ubwo yafashe imisatsi ye kandi arayibihanaguza! Kandi ntiyacogoye kuramutsa ibirenge Byanje. Noneho, ndashaka kukubwira ibi: ibyaha bye byinshi arabibabariwe." Ni byo! Nta kintu Yavuze ku bya Simoni! "Ibyaha byawe byinshi urabibabariwe."

111 Uyu munsi, mu gihe Yesu ahagaze hanze, ku rugi rw'amadini ya gipantekositi, amadini y'abatisita, amadini y'abametodisiti, agerageza kongera kwinjirana na Pantekote, abantu baranyura iruhande Rue badahagaze! Nyuma yuko mu - gukunda isi kwanyu n'ibindi bimukuye mu itorero, Ahagaze aho, agerageza kwinjira, asaba ko bamureka Akongera akinjira. Noneho yoo, ni ikintu kibabaje cyane nigeze mbona mu buzima bwanye. Ntibamukene! Ari hanze, akubita, agerageza kwinjira. Na none ni cyo Ari kugerageza gukora. Kubera iki? Kubera ko Ari hanze!

112 Ntibigeze bamushyira hanze mu bifatika! Bakomeza kumuririmbira no kubwiriza kuri We, arikko ntibamwitaho iyo Ari hagati yabo. Ni byo! Bakomeza ibintu byabo. Kubera iki? Kubera ko barwaye miyope! Bareba ku nyubako zabo zikomeye. Ni abakire! Bareba ku idini ryabo rikomeye barimo, bagerageza kuryagura no kugenda binjizamo abantu, arikko ntibamwitaho. Oya, oya! Ntibakeneye kuvuga mu ndimi. Ntibakeneye ubutumwa bukomeye kandi bufite imbaraga bw'Imana bwinjira bukagera mu mutima kandi bukawukeba, bukuraho ibintu by'isi kandi bukawugosora nk'impeke y'ingano. Yoo! ba. . .

113 Iyo mubwirije mu itorero ryabo muri ubwo buryo, babashyira hanze! Arikko ni gutyo Umwuka Wera abwiriza! Yesu yaravuze ati "Mwa bana b'incira mwe! Mwa nzoka mwe mu byatsi!" Na Yohana yarabivuze! Yari umuntu ukomeye wasizwe amavuta utararyaga amagambo. Ni byo!

Arikko ntibamwitaho, kubera ko Ibyo batabifite. Murabona? Hamwe n'amagambo asize umunyu, bashyiraga ikiganza mu mugongo w'abantu babbwira bati "Gusa mwifatanye natwe! Mwandike izina ryanyu aho, noneho tuzabemera mu muryango wacu. Muazane ibaruwa yanyu y'irindi torero kandi tuzabakira, n'ibindi. Noneho, ni angahe muzaduha buri mwaka?" Murabona, ni ibyo "Abakire kandi nta kintu bakeneye!" Yoo! nyamara, mukeneye ikintu gikomeye cyane, arikko mudafite! Yesu ari hanze, agerageza kongera kwinjirana na Pantekote.

114 Ni iki mutekereza ko cyaba mu Itorero metodisiti Umwuka Wera amanukiye mu itorero noneho abantu bagatangira kuvuza induru, gusimbuka, kuvuga mu ndimi kandi bagakora nk'abantu basinze, nk'agatsiko k'abantu basinze? Noneho, Inama yashyira hanze iryo torero metodisiti rikava mu Ishyarahamwe! Ikintu kimwe! No mu bapantekote? Noneho, habaye ikintu kimwe ku bantu benshi muri bo! Ni byo neza! Yego, mugenzi! Itorero ryabo ntiryashoboraga kwifatanya n'ubwo bupfu! Baravuze bati "Noneho, ndetse bangije amatapi yacu mashya!" Yego, yego, nta gushidikanya. Yoo ! Mbega ! Yoo ! Mbega ! Mbega udutsiko tubabaje! Ni byo!

115 Noneho, byiza cyane. Kera Yari kumwe na bo. Yagendanaga na bo hagati y'amatabaza arindwi ya zahabu. Noneho dore igisubizo: amadini, hamwe n'ibantu byabo by'isi, aba eveke babo, aba kardinali babo no gukunda isi kwabo kose, bamushyize hanze, kandi ntibigeze bamenya ko Adahari. Kandi itorero. . .

Noneho, ni iki tugiye gukora ngo tumugarure? Niba Ari hanze y'Itorero? Rya pantekote ubu, ni iki tugiye gukora kugira ngo tumugaruremo? Ese bizasaba ko abantu bose batora kugira ngo tumugarure? Ese bizasaba gutora papa mushya, umukardinali mushya? Cyangwa bizasaba wenda. . . Bizasaba gutangiza idini rishya? Ibyo nta cyo bizamara! Ibyo nta cyo bizakora. Idini rishya nta kintu rizakora. Umukardinali mushya - umukardinali mushya nta kintu azakora; umupasiteri mushya nta kintu azakora, cyangwa umuvugabutumwa uhembwa neza. Nta kintu na kimwe ku isi gishobora gukorwa, niba atari mwe

ubwanyu! Ni gute tuzamwinjiza? Si mugotora! Oya rwose! Ntidushobora kongera kwinjiza Yesu binyuze mu gutora, kuko si gutyo Azagaruka.

Mwumve neza, ni gutya: Umuntu niyumva ijwi Ryanje kandi agakingura urugi. Noneho, ubu tuzi ikiri ku rugi. . . "Umuntu nakingura urugi, niyumva ijwi Ryanje. . ."

Si "Niba itorero, niba idini. . ." Nta gushidikanya oya! Ntakorana na yo. Yarapfuye kandi yarangiyé agitangira! Ibyo Arabyanga. Ibyo Yagumye kubyanga. Yavuze ko ibyo Yabyangaga. None uyu mugoroba, Aracyabyanga.

116 Ariko umuntu (umumetodisiti wese, umubatisita wese, umuperesebiteriyene wese, umugatolika wese, umuyoboke wa Eglise de Dieu (Itorero ry'Imana), umunazariyene, umupantekote), umuntu niyumva ijwi Ryanje kandi agafungura urugi, Nzinzira iwe, Nzasanira na we, na we asangire na Njye." Ni ubwo, ubutumwa bw'Itorero rya pantekote! Si ukugerageza kugarura idini rya Pantekote, ahubwo kugarura imigisha ya Pantekote mu mutima wa buri muntu. Ni bwo buryo bwonyine. "Nzasanira na we, na we hamwe na Njye."

117 Intumwa ni iki ku itorero - ubutumwa ku itorero buratwigisha, hanyuma buratwigisha - buratwigisha? Si ugukura k'Umwuka. Oya rwose! Ahubwo ni ugucika intege k'Umwuka, hariho gucika intege gukomeza. Intumwa. . . Intumwa zatumwe ku itorero n'ubutumwa bwa buri gisekuru cy'itorero byaciriyeho iteka ibantu bya kidini. Muri buri butumwa ku itorero, turabona ko itorero ryagumye gucika intege ubudacogora kandi ntiryashakaga kumva. Ubutumwa ku itorero ntibwita ku madini. Aya abyara abakirisito b'ibivange, ingirwa bakirisito (ni byo) badafite ikintu na kimwe bazi ku Mana cyangwa ku Mwuka Wera. Ibyo ni byo nk'uko ndi aha uyu mugoroba kuri uru ruhimbi. Abayoboke beza b'akazuyazi, beza gusa ku bwo kurukwa mu kanwa Ke!

118 Pawulo yatuburiye mbere ko amahanga ari ishami. Noneho, ndashaka ko twasomana, niba mubishaka neza, imirongo ya 15 na 27 y'igice cya 11 cy'Abaroma, kugira ngo mwese mushobore kubyandika. Kandi kuko igihe gikuze, ndashaka rwose kubibasomera mbere yo kugenda kubera ko ari. . . Noneho, Abaroma, nimushaka kubyandika, 11, 15 kugera kuri 20 kugera kuri 27. Pawulo arababwira - ababwira avuga aho ku mahanga, Abaroma, aravuga ati "Iyo Imana. . ." Noneho, mwumve mwitonze mu gihe turi kurangiza ibisekuru by'Itorero. Pawulo aravuga ati "Kuko ubwo Imana itababariye amashami ya kavukire, ahubwo yayahwanyuye ku bwo kutizera. . ."

Ese ni byo? Kubera iki bahwanyuweho? Kubera ko banze Pantekote. Ese ni byo? Umunsi wa Pantekote, basuzuguye kandi batuka Umwuka Wera.

Igihe Yesu yari aha ku isi, Yaravuze ati. . . Bamwitaga "Belezebule!"; bavuga ko Yari idayimoni, "Ni umwiyemezi", n'iki kindi nibagiwe.

119 Arababwira ati "Ibyo ndabibabariye, ariko igihe Umwuka Wera azaza, ntimuzamutuke! Kubera ko nimumutuka, ibyo ntimuzigera mubibabarirwa."

Noneho mwibuke, Yesu yahaye itegeko abigishwa Be ryo kutajya mu mahanga (Si byo?), ahubwo ryo gusanga intama zazimiye za Israel.

Ni gute biciriyeho urubanza ubwabo? Mugutuka Umwuka Wera, bafata Umwuka w'Imana nk'ikintu cyanduye. Baramuneguye mu gihe abandi babyinaga mu Mwuka n'ibindi ku munsi wa Pantekote. Muri uwo mujiyi aho ndetse baneguraga, Titusi yabatsembeye aho n'amaraso yabo atemba agana ku rugi. Bariye abana babo bwite n'ibindi byose, mu gihe cy'igisekuru kimwe. Ni byo! Rimwe mu mashyanga akomeye cyane y'isi ryarasuzuguritse cyane, noneho rinyanyagira mu bice bine by'isi. Ni yihe yabaye impamvu? Kutizera! Nyamara, bari igihimba cy'umwimerere, igitu cy'umwimerere, Israel.

120 Pawulo ntabivuga aha? Ni nde ufite umurongo imbere ye? Urawufite, Pat? Haguruka noneho usome umurongo wa 15 kugeza kuri 27. [Mwene Data Pat asoma Ibyanditswe - N.D.E.]

[Ubwo gucibwa kwabo guhesheje abari mu isi kwiyunga n'Imana, kugarurwa kwabo ntikuzaba kuzuka? Ubwo ifu y'umuganura ari iyera, n'irobe na ryo ni ko riri, kandi ubwo igishyitsi ari icyera n'amashami na yo ni ko ari. Ariko niba amashami amwe yarahwanyewe, nawe uri umunzenze wo ku gasozi, ukaba waratewe nk'ingurikira hagati y'amashami, ugasangira na yo amakakama y'igishyitsi cya elayo, ntukirarire ngo ugaye ayo mashami. Niba wirarira uyagaya, wibuke yuko atari igishyitsi kimeze kuri wowe, ahubwo ni wowe umeze ku gishyitsi. Ahari wavuga uti "Amashami yahwanyuriwe kugira ngo nterweho."

Mwumve ibi neza "Kutizera". Byiza cyane, komeza.

121 [. . . Ni koko kutizera ni ko kwayahwanyuje, none nave kwizera ni ko kuguteyeho. Ntubona, ahubwo utinye; kuko ubwo Imana itababariye amashami ya kavukire, nave ntizakubarira.

Nuko urebe kugira neza kw'Imana kandi no kutabera kwayo. Ku baguye ni ukutabera, ariko kuri wowe ni ukugira neza nuguma muri uko kugira neza kwayo, kuko nutagira utyo nave uzahwanyurwa.

Kandi ba bandi na bo nibatagundira kutizera kwabo, bazaterwa nk'ingurikira kuko Imana ishobora kubagaruraho.

Ko wahwanyewe ku giti cyavutse ari umunzenze, ugaterwa nk'ingurukira kuri elayo nziza utavutseho, nkanswe ba bandi bene yo, ntibazarushaho cyane guterwa muri elayo yabo?

Hm!

[Bene Data kugira ngo mutabona uko mwirata ndashaka ko mumenza iby'iri banga: Abisiriyali bamwe banangiwe imitima ariko si bose, kugeza ubwo abanyamahanga bazinjira mu itorero bakagera ku mubare ushyitse.

Ni bwo Abisirayeli bose bazakizwa nk'uko byanditswe ngo "Umukiza azava i Siyon, Azakura muri Yakobo kutubaha Imana."

Iryo ni ryo sezerano mbasezeranije, ubwo nzabakuraho ibyaha."

122 Ibyo murabyumva? Pawulo aravuga ati "Niba Israel yashoboye kubona ibimenyetso by'Umwuka Wera yarahwanyewe. . ." Mwibuke ko ari ukubera ko banze ubutumwa bwa Pawulo (umubatizo mu Izina rya Yesu, kwhiana no kubatizwa mu Izina rya Yesu, ibimenyetso n'ibitangaza bigumana n'uwigera). Kandi ibyo barabyanze. . . Noneho aravuga ati "Dore, dusenze abapagani." Ese ni byo? Turebe, nizera ko byari aho - babise "abakiristo" bwa mbere, muri Efeso. Byiza cyane, muri Antiyokya.

123 Noneho, noneho, niba - niba igit iya mbere cyareraga, amashami yacyo yareraga, cyari igit cy'umwimerere, ariko kubera ko batizeye ubutumwa bwa Pantekote Pawulo yabwirizaga (Ese ni byo?), Imana yabahwanyuyeho, noneho umunzenze wo mu gasozi, ni ukuvuga twebwe, amahanga, kandi Iduteraho kugira ngo dushobore kubeshwaho na. . . n'amakakama y'icyo giti. . . Noneho, ni kangahe, muri icyo gihe twanze ubutumwa bwa Pantekote bwatugezeho binyuze mu bisekuru by'Itorero, ni kangahe Imana ishobora mu buryo bumwe cyangwa ubundi guhwanyura uwo munzenze wa kera noneho ikagarura undi? Mu by'ukuri, Izawujugunya ku bwo kutizera!

Noneho, duhuze ibyo n'isomo ry'iki gitondo. Muzy aho turi, ubu, si byo? Turi mu gihe cy'imperuka, mu gihe cyo kugenda kw'Itorero ry'amahanga, cy'umuzamuko wavyo n'ubugabuzi bw'Umwuka Wera bugomba kuza ku Bayuda, Yesu yimenyekanisha kugira ngo ashyire ikimenyetso ku bihumbi ijana na mirongo ine na bine. Ngibyo! Yagaruye igit iya cy'umwimerere mu. . . Ari kugarura umugisha muri Israel.

124 Yesu ntazakomeza guhagarara imbere y'urugi rwanyu no kuguma gukomanga igihe cyose. Igihe kizagera ubwo Azarambirwa noneho Akigendera; ubwo noneho ni mwebwe muzakomanga, ariko ntimuzamubona! Muze hakiri igihe. Muze Agikomanga. Mwijya umugambi mufata ikintu kitari Umubatizo w'Umwuka Wera, nk'uko bawakiriye kuri Pantekote, hamwe n'umubatizo w'amazi, n'ibintu bimwe bakoze kera. Ntimuzatume hari ikintu gishyira mu mutima wanyu ikintu kitari ibyo!

125 Noneho, mwebwe, nshuti z'abagatolika, mureke mbabwire ikintu: mwizera umwari Mariya. Umwari Mariya, nubwo ari nyina wa Yesu Kristo, yagombye konyura kuri Pantekote kandi yuzuzwa Umwuka Wera; kandi yitwaye nk'umuntu wasinze! Yari ari mu ijana na makumyabiri, yakiriye umubatizo w'Umwuka Wera, avuga mu ndimi kandi akora ari munsi y'Umwuka w'Imana, nk'umugore wasinze. Noneho niba umwari Mariya yaragombye gukora ibyo kugira ngo yinjire mu Bwiza, ni gute muzahinjira mudafite ibyo? Mubitekerezeho! Ni byo!

Abatisita. . . Uwo mubwirizabutumwa w'umutisita aho hakurya yashakaga kumenya neza ko ari ko bifite agaciro no ku batisita. Bifite agaciro ku muntu wese, uwo ari we wese!

Kwifatanya gusa n'itorero, gusubiramo amahame no kujya mu rusengero ibyumweru byose mu gitondo, nta kintu bizabamarira rwose! Muba gusa muneguriza izura Imana. Mube umukiristo nyakuri cyangwa ntimugire icyo muba cyo! Mubire cyangwa mukonje! Mube hanze. . . Mu by'ukuri, ntimushobora kuba. . . Nta nyoni iba icyarimwe umukara kandi ngo ibe n'umweru, cyangwa umugabo w'umusinzi icyarimwe ngo abe n'indakemwa; ntitwigeze tubona umuntu w'umunyabyaha cyangwa wera icyarimwe. Oya. Habe na rimwe! Ibyo ntibibaho. Mwuzuye Umwuka Wera, kandi Imana iba muri mwe, cyangwa si ko muri na gato. Ni ko muri, cyangwa si ko muri!

126 Noneho, mugomba - mugomba kwibuka ko Yesu Ahagaze ku rugi rwanyu, kandi mwibuke iryo sezerano ry'Imana rivuga ko Azaba ahari mu minsi yacu. Kubera iki? Kubera ko Yajugunye. Kubera iki Israel yahwanyewe ku giti cy'umwimerere? Kubera ko banze ubutumwa bwa Pantekote bwa Pawulo! Mwizera ko iki gisekuru cy'itorero ari icyo nyuma? Ni Bibiliya ibivuga; noneho ni iki ya. . . ni iki kizayibaho? Izahwanyurwaho kubera ko yanze ubutumwa bwa Pantekote, kandi noneho, Imana izongera igaruke isange Abayuda.

Noneho, Israel yose izakizwa, kubera ko Izabafata nk'ishyanga, ntizabafata nk'umuntu ku giti cye. Ariko kuri mwe nanjye, ni ikintu cy'umuntu ku giti cye. Mu by'ukuri, Azaza ku bw'Abayuda. Ibyakozwe, mu

gitabo cy'Ibyakozwe, Yaje asanga amahanga kugira ngo afate mu mahanga ubwoko bwo gutwara Izina Rye, Umugen We. Ubwoko! Umwe aha, undi hariya, undi hariya hakurya, kandi Akorana natwe nk'abantu ku giti cyabo, atitaye ku bwoko, imyemerere cyangwa ibara. Akorana natwe nk'abantu ku giti cyabo, turi ururabo Rue Azashyira ku gicaniro Cye. Ariko ku bijyanye n'Abayuda, Yahoze akorana na Israel nk'igihugu: igihugu cyigizwe n'abantu, ishyanga Rye.

127 Nshimishijwe nuko twabonye ubu butumwa uyu mugoroba. Kandi nshimishijwe cyane nuko mwabwumvise, kandi nashimishijwe nuko muhari. Ndashimira Imana Ishobora Byose ko yanyeretse icyo nabonye kandi nkashobora kukizanira iri torero; nonaha, ubu butumwa bwavuye mu mutima wanjye. Kuva mu gihe gito, Umwuka Wera yakoreraga mu mutima wanjye, sinashoboraga kwitandukanya nabwo, nagombye kugendana uyu mutwaro.

Hari ibintu bibiri numvise nyobowe gukora. Kujya i Shreveport, muri Louisiana, ku bw'itoreraniro na mwene Data Moore. Umugore wanjye wicaye aho ashobora kubyemeza. Mu gihe cy'ibyumweru, urebye nararize, igihe cyose nifuzaga kujya i Shreveport. Kubera iki? Abri bari i Shreveport bo ubu bazi impamvu. Ntibari barigeze babona cyangwa bumva ikintu nk'icyo. Hari ababwirizabutumwa baturutse ahantu hose, abatisita n'abandi. Umugabo yavuze ko yiteguraga gufungura frigo ye igihe Umwuka Wera yamuzagaho kandi akamubwira ati "Jya i Shreveport, muri Louisiana, kandi aho hakurya bazakubwira icyo ugomba gukora." Imubwira izina ryanje n'aho yakura. . . Iramubwira iti "Azakubwira igikwiye gukorwa."

Naramubwiye nti "Ikidendezi kiri hasi kiriteguye. Mukeneye umubatizo w'Umwuka Wera." Kandi hari. . . Hari ibintu nk'ibyo, abantu bavugaga, na - n'ubuhanuzi n'ibindi byose, bavuga mbere ibintu bizaba aho hagati muri twe.

128 Hanyuma ndavuga nti "Ngomba kujya i Jeffersonville kandi nkandika icyo gitabo, kubera ko ntazi igihe nshigaje aha. Ariko niba mvuga ibyo bintu kandi bikaba byanditse, noneho ayo magambo azagumaho nyuma yo kugenda kwanje." Nanditse imirongo y'amateka nifashishije izatangwa mu gitabo. Kandi naje aha kukizana imbere y'itorero kugira ngo mbone gusigwa n'Umwuka Wera, kubera ko ntari nzi ibyo bintu ubwanje. Ni ukuri! Ndabivuga mu Izina ry'Umwami. Ni byo, sinari mbazi!

Noneho, ndumva nduhutse. Ndumva ko Imana yatzaniye ubutumwa. Nizeye ko turi ku iherezo y'urugendo. Nizeye ko igihe cyageze ubwo Imana igomba kwigaragaza muri twe. Sinzi igihe kizakenerwa, ariko igihe kiregeree.

129 Dutegereje kuza k'uwo muntu ukomeye. Ashobora kuza mu gihe cyanje, ashobora kuza mu gihe cy'abana bacu, simbizi. Birashoboka ko ari aha muri twe ubu, ntidushobora kubivuga; Umwuka Wera ari aha kugira ngo atuyobore kugeza igihe uwo muyobozi azadufata mu biganza. Azaba na none asizwe n'Umwuka Wera; azaba, rwose, ari Eliya wagombaga kuza. Kandi azaba - umuyobozi uzasanganya umutima w'abana cyangwa umutima w'abana ku butumwa bwa Data, ku butumwa bw'umunsi wa Pantekote bwa Data wa twese uri mu ijuru, igihe Yasukaga Umwuka We.

Ni uwo murongo muto ngenderwaho nazanye uko nshoboye nkoreshoje amateka kandi na Bibiliya, kandi nerekanye ko ibyo byanyuze mu bisekuru byose by'itorero, kandi ni ko bimeze uyu munsi. Nerekanye ko ayo madini ari umuvumo imbere y'Imana. Nizeye ko bihambiriwe na Bibiliya mu mwuka wanyu, n'ibyakozwe n'intumwa, n'amateka n'ibindi byose. Ibyo. . .

130 Nta gihe na kimwe, Imana yahinduye Itorero Ryayo idini. Nyina w'amatorero yishyize hamwe, ni uruhererekane rwa gatolika y'i Roma. Itorero gatolika ry'i Roma ni nyina w'amadini. Kandi ububyutse bugisandarira mu itsinda rya giporotestanti, iri ryagarutse uwo mwanya inyuma kandi rikora ikintu kimwe! Kandi Bibiliya ivuga ko yari maraya. Kandi. . . Yari afite abakobwa ari yo yari amatorero yasohotse muri yo. Kugira ngo babe maraya, byari ngombwa ko biba abagore. Ngiryo. Dushyiraho noneho. . .

131 Ariko na none Yavuze ibi "Ntugire icyo utinya, mukumbi muto, kuko So yabonye ko ari byiza kuguha Ubwami." Noneho, reka twese kuri uwo munsi, abametodisiti, abatisita, uwo mwaba muri we wese, tuzashobore gusubiza uwo muhamagaro tuti "Nihagira umuntu ufungura urugi, nzinjira iwe, kandi nzasangira na we."

Reka dushobore kubarwa, bene Data na bashiki banje, reka tuzabarwe muri uwo mukumbi muto, kuri uwo munsi! Reka tuzabe turi mu bagize uwo mukumbi muto uzaguma mu gutegerezza Kuza Kwe, igihe Azaza kugira ngo awakire ahantu hose ku isi. Kuko u - umuzamuko uzabera hose icyarimwe "Ababiri bazaba bari ku buriri, nzafata umwe; muri babiri bazaba bari mu murima, nzafata umwe." Ibyo bitwereka ko buzaba bwije ku ruhande rumwe rw'isi, ku rundi ruhande hari amanywa. Murabona? Muri babiri bazaba baryamye. . . muri babiri bazaba bari mu murima. . . Murabona? Nzafata umwe muri buri tsinda."

132 Nk'uko nabivugaga iki gitondo, muzaba muri gutwara mu muhanda umwe muri iyo minsi, muvugana na mama wanyu; noneho muzahindukira, abe yamaze kugenda! Muzaba mwicaye ku meza, munuya iakahwa yanyu cyangwa mufata ibyo kurya byanyu bya mu gitondo, cyangwa - cyangwa ikindi kintu hanyuma, murabizi, mureba impande zanyu, noneho so abe atakiri aho. Ni ukuri nyako. Ibyo biraje, kandi ntituzi

igihe. Ariko hari ikintu kimwe cy'ukuri, ni uko igihe bizaba birangiye, bizaba byarangiye, kandi ntihazongera kubaho icyo gukora. Muravuga muti "Hashize igihe mbyumva." Ariko umunsi umwe, muzabyumva ari ubwa nyuma. Ni byo. Ibyo bizaba, kubera ko ari Ijambo ry'Umwami. Kandi mwibuke ibi: Ibyo byigaze bitsindwa mu gihe cy'iyo migruba umunani nabwirije? Ariko icyo - icyo Yesu yavuze aha cyagombaga kuba, kandi cyabaye neza muri buri gisekuru cy'Itorero.

133 Kandi turabona iki gisekuru cy'itorero kinjira muri iki kintu kandi kuri iyi saha ndetse. . . Iki gitondo ndetse, mu gihe nigaga ikigereranyo cy'abo bakobwa b'abari, mu gihe ndetse abo bakobwa b'abari basinziriye. . . Noneho, Bibiliya iravuga, mubyibuke, ku bakobwa b'abari basinziriye, igihe ijwi ryumvikanaga ngo "Dore, Umugen araje!", ni Ukuza k'Umwami, ikibwiriza cy'Ijambo. . . Noneho, ni iki kiri kuba? Igihe kiregereje, ibisasu kirimbuzi n'ibindi byose bisigaye biriteguye! Kandi ababwirizabutumwa biruka imihanda noneho bagatangira kuvuga ubutumwa.

Mu gihe bakibikora, noneho itorero rinini (abari b'abapfapfa) riravuga riti "Yoo, noneho, hashize igihe kirekire turi abaperesebiteriyene, birashoboka ko twakagombye kwiga ibyo bintu noneho tukagerageza kubivumbura. Yego, murabizi, nizera ko mu by'ukuri dukaneye Umwuka Wera!" Noneho ritangira kwandika brochures (ibitabo) n'ibindi kuri ibyo. Noneho riravuga riti "Mwakwemera kuduahaho duke?"

Ariko abandi barasubiza bati "Oya, dufite ayacu gusa."

134 Noneho, rijya gushaka Umwuka Wera, kandi ritangira gusenga nk'uko uyu munsi amatorero abikora, ayo matorero meza kandi akomeye, amadini. . . Ariko mu gihe ryajyaga gushaka Amavuta, Umukwe araza. Ni gutyo bagerageza kuyashaka ubu ndetsa, ayo matorero akomeye, ayo madini, kandi akora amateraniro akomeye mpuzamahanga ku bw'ibyo mu - mu matorero yishyize hamwe. Aravuga ati "Tugomba kugaruka ku mugisha wa Pantekote. Dukwiye impano zo gukiza kw'Imana mu itorero. Dukwiye abantu bavuga mu ndimi. Dukwiye abantu basobanura indimi. Dukwiye izo mpano zose z'umwuka mu itorero ryacu, kandi tuzakora amateraniro noneho tubitangire." Bateranya inama noneho bagatangira gukora ibyo. Igihe batangiye kubikora, ni icyo gihe Umukwe aza gutwara abari bafite amavuta mu itabaza, noneho bakigendera. Noneho, igihe abandi bazaga, ni iki cyabaye? Bajugunywe mu mwijima wo hanze (igihe cy'umubabaro ukomeye), ahazaba hari ukurira, kuniha no guhekenya amenyo, mu gihe Umugen ari mu ijuru! Yoo ! Mbega !

135 Hanyuma, ku iherezo y'iyo myaka itatu n'igice, Azaza nka Yosefu noneho Yibwire bene Se. Bazatangaza igihe cy'amaganya ahantu hose, kandi bazavuga. . . Imiryango yabo izitandukanya kandi bazarira bavuga bati "Ni he wakuye izi nkova?" Noneho. . . bacumiswe. . . Abamucumise bazamubona, kandi Azibwira bene Se.

Noneho, Ari kugergeza kwimenyekanisha ku itorero Rye, ariko ryamushyize hanze! Ariko Aracyahagaze aho, akomanga, kandi Aravuga ati "Haba hakiri uri aha? Umwe wakwemera kumfungurira, wandeka nkinjira kandi nkamuvugisha?"

136 Yoo, ndishimye cyane kandi ndashimira cyane ko. . . Hashize imyaka myinshi ibyo bibaye (makumyabiri n'umunani hafi), numvise akomanga ku mutima wanje; kandi na. . . Yarinjiye, nsangira na We, na We hamwe nanje kuva ubwo. Kandi nakiriye umugisha wa Pantekote, nakiriye Umwuka Wera. Nabatijwe mu Izina rya Yesu Kristo, ku bwo kubabarirwa ibyaha; mu buzima bwanje, ni yo nshuro yonyine nabatijwe, imwe gusa. Ndetse igihe nari nkiri umwana muto, nta muntu wari bushobore kunyemeza ko hariho Imana eshatu! Oya, nta muntu uba warashoboye kubimirisha. Ntimushobora kubibwira umuntu uzi - uzi Imana. Ni byo.

Noneho, igihe nabatizwaga. . . ni umuvugabutumwa w'umubatisita wambatije. Naravuze nti "Ndashaka kubatizwa mu Izina ry'Umwami Yesu Kristo!" Dogiteri Roy E. Davis ambatiza mu Izina ry'Umwami Yesu Kristo, mu gihe nari nkiri umusore muto. Murabona? Ni byo! Nizeraga ibyo; nagumanye n'ibyo, kandi nzi ko ari Ukuri! Ni Ijambo rihoraho ry'Imana, ni byo. Ni byo.

137 Nshimishijwe cyane no kuvuga ko ndi umwe muri bo.

Ndi umwe muri bo, umwe muri bo,

Nshimishijwe cyane no kuvuga ko ndi umwe muri bo;

Ndi umwe muri bo, ndi umwe muri bo,

Nshimishijwe cyane no kuvuga ko ndi umwe muri bo.

Nubwo abo bantu wenda batize,

Cyangwa batirata kwamamara runaka kw'isi,

Bose bakiriye Pantekote,

Babatijwe mu Izina rya Yesu;
None ubu bagenda bavuga ahantu hose,
Ko imbaraga Ze zihora ari zimwe,
Nshimishijwe cyane no kuvuga. . .
Murishimye? Niba mwishimye, muzamure ikiganza.
Umwe muri bo, umwe muri bo,
Nshimishijwe cyane no kuvuga ko ndi umwe muri bo;
Ngwino, mwene Data, ushake uyu mugisha
Uzatunganyaho umutima wawe icyaha,
Uzavuza inzogera z'ibyishimo
Kandi uzatuma ubugingo buguma kwaka;
Yoo! ibyo ubu biri kwaka mu mutima wanjye,
Yoo! icyubahiro kibe icy'Izina Rye,
Kandi nshimishijwe cyane no kuvuga ko ndi umwe muri bo,
Yoo! umwe muri bo, umwe muri bo,
Nshimishijwe cyane no kuvuga ko ndi umwe muri bo, (Aleluya!)
Umwe muri bo, umwe muri bo,
Nshimishijwe cyane no kuvuga ko ndi umwe muri bo.
Bari bateraniye mu cyumba cyo hejuru,
Bose basengeraga mu Izina Rye,
Babatijwe mu Mwuka Wera,
N'imbaraga ku bw'umurimo waje;
Noneho, icyo Yabakoreye uwo munsi,
Azabigenza kimwe no kuri wowe,
Nshimishijwe cyane no kuvuga. . .
Noneho, mufatane ikiganza, imbere yanyu, inyuma yanyu n'impande zanyu!
Umwe muri bo, umwe muri bo,
Nshimishijwe no kuvuga ko ndi umwe muri bo;
Umwe muri bo, umwe muri bo,
Nshimishijwe cyane no kuvuga ko ndi umwe muri bo.
Yoo! umwe muri bo, umwe muri bo,
Nshimishijwe cyane no kuvuga ko ndi umwe muri bo;
Rwose, umwe muri bo, umwe muri bo,
Nshimishijwe cyane no kuvuga ko ndi umwe muri bo.
Umwe muri bo, umwe muri bo,
Nshimishijwe cyane no kuvuga ko ndi umwe muri bo.
Umwe muri bo, umwe muri bo,
Nshimishijwe cyane no kuvuga ko ndi umwe muri bo.
Ntimushimishijwe no kuvuga ko muri umwe muri bo [Iteraniro rirasubiza riti "Yego, amina! Aleluya!" -

N.D.E]. . .? . . itsinda ryiza.

138 [Mwene Data umwe avuga mu ndimi; undi arasobanura: Yego, bwoko Bwanjye, uyu mugoroba, Nagusanze, yego, nk'umuriro w'umucuzi. Yego, uyu mugoroba, Nagusanze nk'isabune w'abameshi. Yego, ni ko Nkubwiye, yego, abo Nkunda bose Ndabacyaha kandi Nkabahana ibihano. Ndabikubwiye, ihane, yego, ihane kandi uhinduke, yego, kugira ngo ibyaha byawe byose bahanagurwe. Igihe cyo guhembuka cyamaze kuza kivuye imbere y'Umwami. Yego, ni ko Nkubwiye, bwoko bwanjye, umva ijwi ry'umuhanazi Wanjye Nagutumyeho kugira ngo akubwire uku kuri. Yego, ni ko Nkubwiye, jya muri uku kuri, yego, iri jambo ry'ubuhanazi ry'ukuri nyako, yego, ryakujeho rivuye mu Ijambo Ryanjye. Ndakubwiye nti "Nzaguhamiriza iri Jambo uko iminsi izagenda ishira", ni Umwuka w'Umwami avuga. - N.D.E.]

Mbega ukuntu tugushimira, Data, ku bw'ineza Yawe n'impuhwe Zawe kuri twe ibiremwa bidakwiriye! Gutekereza ko ubu, Mwami, Ugiye guhamiriza ubutumwa Bwawe Wasezeranyije abantu! Ndasaba, o Mana, ko impuhwe Zawe zabajyaho!

139 Niba aha hari abatamuzi nk'Umukiza, kandi bifuza kumubona ubu mu mutima wabo nk'Umukiza, murashaka guhaguruka, mu gihe dutambye isengesho ku bwanyu. Aho Yavuze ko Izatanga ubu butumwa kandi ko Izabahamiriza Ijambo Ryayo. Niba aha hari abatamuzi, kandi bakaba batarakiriye Umwuka We, ni bo Ari kubwira!

Byiza cyane, aho imbere hari umuntu. Murashaka guhaguruka mwene Da? Arifuza kubatizwa n'Umwuka Wera, ese ni byo, mwene Data? Imana ibahe umugisha! Mugume aho muri. Haba hari undi wifuza guhaguruka kandi akavuga ati "Ndifuza kubatizwa n'Umwuka Wera?" Imana ibahe umugisha, mwene Data! Imana ibahe umugisha! Muhamaguruke. Mugume gusa muhagarare. Na none undi muntu wifuza kwakira Umwuka Wera kandi akabatizwa, umuntu wifuza kuvugwa mu masengesho yacu ubu, no kubatizwa n'Umwuka Wera? Haba hari undi, mbere yuko mvuga icyo nshaka kuvuga, wifuza guhaguruka kandi akifatanya na bo?

Yoo, murifuza kubarwa nk'umwe mu itsinda Rye? Murabishaka? Mube mudafite ikizinga imbere, mukurikire kandi mutegereze iri yerekwa; Aragarutse!

140 Aragarutse. Murashaka kuba umwanzi We cyangwa murashaka kuba umwana We? Muri iki gitondo, Imana yarakaye izita gusa ku Maraso ya Yesu! Nta na rimwe Ya. . . Kuba mu itorero kwanyu nta cyo kumaze imbere y'amaso Yayo. Nta kindi uretse Amaraso. . .

Yoo, uwo mugezi ni uw'igiciro

Umpindura umweru nk'urubura (. . .? . . .);

Nta wundi mugezi nzi,

Uretse Amaraso ya Yesu.

Ni iki gishobora gukuraho icyaha cyanjye?

Nta kindi uretse Amaraso ya Yesu;

Ni iki gishobora kunyeza?

Nta kindi uretse Amaraso ya Yesu.

Yoo. uwo mugezi ni uw'igiciro

Umpindura umweru nk'urubura;

Nta wundi mugezi nzi,

Nta kindi uretse Amaraso ya Yesu.

[Mwene Data Branham atangira kuririmbi mu menyo. - N.D.E.]

Nta kindi uretse Amaraso ya Yesu;

Aho ni ho hari gukiranuka kwanjye kose,

Nta kindi uretse Amaraso ya Yesu. (Haba hari undi muntu?)

Yoo, igifite agaciyo ni. . . (Nta kintu gishobora kubaho, mwene Data, mushiki wacu; isi ni umwijima, irarangiye.). . . nk'urubura;

Sinzi undi mugezi,

Nta kindi uretse Amaraso ya Yesu.

141 Gake, Teddy, ndagusabye "Hari umugezi wuzuye Amaraso, wavuye mu mitsi ya Imanweli!" Noneho, nshuti zanjye, mwe muhagaze, muri kugerajeza kwemera inez y'Umwami Yesu. Bibiliya imwe yatubwiye ko ibyo bintu bizaba yabisohoje neza nk'uko Yari yarabisezeranije. Petero yaravuze ati: Noneho, isezerano ni iryanyu, n'abana banyu n'abari kure bose, abazahamagarwa n'Umwami Imana yacu.

Mwahagurutse kubera ko mushaka umugisha w'Imana kuri mwe. Nanjye nk'umugaragu We, ndabasabira. Ndasaba ko Imana ibaha umubatizo w'Umwuka Wera. Kandi ndibaza niba mushobora gukora ibi mu mutima wanyu, niba mufite umutima umenetse, niba mwashobora guha Imana iri sezerano muvuga muti "O Mana, uhoreye uyu munsi, nnyewe uhagaze, nshaka umubatizo w'Umwuka Wera, nzasenga ubudacogora, kandi nzategereza ko Unyuzuza Umwuka Wera." Murashaka guha Imana iryo sezerano muzamura ikiganza?" Nzasenga ubudacogora, ubudacogora, kugeza Unyujuje kugwa neza n'ineza y'Umwuka."

142 Ntambye ubu isengesho ryanje ku bwanyu, mu gihe twubitse umutwe. Data wa twese uri mu ijuru, ni umunyago w'uko Wariuhari. Bazi ko aya Magambo ari ukuri, kubera ko ari Ayawe. Bazi ko yatanzwe n'Umwuka Wera, kubera ko ari Ijambo ry'Imana. Kandi bemeye ko bagukene, ko bakenene inez y'Umwuka Wera mu buzima bwabo kugira ngo ibahe imbaraga yo kunesha. Kandi bazakira imbara yo Hejuru, bazakira imbaraga izafasha kubaho ubuzima bwa gikiristo, bazakira imbaraga izabafasha kunesha ibigeragezo. Nko muri iyi ndirimbo tumaze kurrimba "Bari bateraniye mu cyumba cyo hejuru kandi basenga mu Izina Rye; babatizwa mu Mwuka Wera, noneho imbaraga yo gukora yaraje." Ni cyo bashaka, ko imbaraga yo gukora yabazaho.

Ndagusaba, o Mana, nk'umugaragu Wawe, mu gihe Wababonye bazamura ibiganza. . . Bagukoreye indahiro ko bazasenga kugeza Ubujuje, Mwami, kugeza babonye umugabane uhagije wo Kuboneka Kwawe kwera mu buzima bwabo! Ntambye isengesho ryanje ku bwabo, Mwami, nk'umugaragu Wawe, kugira ngo buzuzwe Umwuka Wera. Mwami, ndasaba ko batava muri uru rusengero mbere yuko ibyo biba; bagume aha kugeza buri bugingo bwuzujwe Umwuka Wera, o Mwami!

143 Uri Imana, Ishobora Byose; Wagaragajwe mu mubiri kugira ngo ukureho ibyaha by'isi. Wazutse ku munsi wa gatatu, kandi Wazamutse Hejuru. None Uri hano uyu mugoroba, muri twe, munsi y'Izina ry'Umwuka Wera. Kandi turasaba, Data, ko Wowe, Umwami wacu w'igiciro, Wakuzuza buri umwe muri bo Umuntu Wawe. Kandi bashobora kuba mu - mu mugisha ku bw'Ubwami Bwawe no mu isi y'igihe kizaza. Kandi umunsi umwe, igihe bizarrengira bageze ku musozo w'urugendo (ari cyo gishobora kuba uyu munsi, ntituzi igihe bizarre), nzashobora, o Mwami, kubarwa mu bazajya mu muzamuko. Reka aba babe abazagenda mu muzamuko. Reka abari bose mu Bwiza bw'Imana n'abuzuye bose Umwuka, b'Imana, bazagende mu muzamuko.

Bemere uyu mugoroba, o Data! Ni Abawe ubu, ndabaguhuye, mu Izina rya Yesu Kristo. Amina!

144 Noneho, ndashaka ko abandi bari ku ruhande rwabo kandi bafite Umwuka Wera bahaguruka noneho babarambikeho ibiganza.

umugezi wuzuye amaraso,
Yavuye mu mitsi ya Imanweli,
Kandi abanyabyaha binamye muri uwo
mugezi,
Batakaza ibizinga byose by'icyaha
cyabo.
Batakaze ibizinga byose by'icyaha
cyabo;
Batakaze ibizinga byose by'icyaha
cyabo;
Kandi abanyabyaha binamye muri uwo
mugezi,
Batakaza ibizinga byose
by'icyaha cyabo.
Umujura wendaga gupfa yishimiye

kubona

Uwo mugezi mu gihe cye;

Reka nanjye aho,

nzashobore, nubwo nsuzuguritse nka

we,

Koza ibyaha byanjye byose.

Koza ibyaha byanjye byose,

Koza ibyaha byanjye byose;

N'abanyabyaha binamye muri uwo

mugezi,

Ntakaze ibyaha byanjye byose.

145 Noneho, muzamure ibiganza ku Mana noneho muyihimbaze. Muvuge muti "Urakoze, Mwami! Ndahagurutse kandi ndaguhimbaje! Ndagushimira ku bw'imigisha Yawe, ku bw'ubuntu Bwawe, kandi ko Wampaye umubatizo w'Umwuka Wera." Urakoze, Mwami! Urakoze, Mwami! Urakoze, Mana nziza, ko uduha. . . Urinda isezerano Ryawe.

Warabivuze. Turakwizera! Urakoze, Mwami.

146 Ntimwishimye? Muvuge muti "Imana ihmibazwe!"

"Hari benshi badashobora kumva ko ibi ari nk'Ijuru kuri njye."

Hari benshi badashobora kumva

Impamvu twishimye cyane kandi tubohotse;

Twambutse Yorodani ngo tujye mu gihugu cyiza cy'i Kanani,

Kandi kuri njye, ni nk'Ijuru.

Yoo, kuri njye, ni nk'Ijuru,

Yoo, kuri njye, ni nk'Ijuru;

Noneho, twambutse Yorodani ngo tujye mu gihugu cyiza cy'i Kanani,

Kandi kuri njye, ni nk'Ijuru.

Yoo, iyo nishimye, ndaririmba kandi nkasakuza,

Umubi ntabyizera, ndamubona;

Ariko nuzuye Umwuka Wera, ni ukuri,

Kandi ni cyo gihari.

Yoo, ni cyo gihari (Imana ihmibazwe!).

Yoo, kuri njye, ni nk'Ijuru;

Nambutse Yorodani ngo njye mu gihugu cyiza cy'i Kanani,

Kuri njye, ni nk'Ijuru.

147 Ibyo ntibibashimishije? Byiza! Mufate ikiganza cy'umuntu umwe muvuga muti "Imana ihmibazwe! Kuri njye ni nk'Ijuru!"

Gumana Izina rya Yesu,

Mwana w'umubabaro n'agahinda;

Ibyo bizagutera ibyishimo kandi biguhumurize,

Rigendane aho ujya hose.

Izina rihenze, yoo Izina ryoroheje cyane!

Ibyiringiro by'isi n'ibyishimo by'Ijuru;
 Izina rihenze, yoo Izina ryoroheje cyane!
 Ibyiringiro by'isi n'ibyishimo by'Ijuru.
 Twunama mu Izina rya Yesu,
 Tuzapfukama ku birenge Bye,
 Tuzamwambika ikamba ry'Umwami w'abami mu Ijuru,
 Igihe urugendo rwacu ruzaba rurangiye.
 Izina rihenze, yoo Izina ryoroheje cyane!
 Ibyiringiro by'isi n'ibyishimo by'Ijuru;
 Izina rihenze, yoo Izina ryoroheje cyane!
 Ibyiringiro by'isi n'ibyishimo by'Ijuru.
 Duciye bugufi, kandi, mu gihe imitwe yacu yunamye:
 buri gihe Izina rya Yesu,
 Nk'ingabo irwanya umutego wose;
 Igihe ibigeragezo binzengurutse,
 Vugira mu matama gusa iryo Zina ryera mu isengesho.
 Izina rihenze, yoo Izina ryoroheje cyane!
 Ibyiringiro by'isi n'ibyishimo by'Ijuru;
 Izina rihenze, yoo Izina ryoroheje cyane!
 Ibyiringiro by'isi n'ibyishimo by'Ijuru.



www.messagehub.info

Ibibwiriza bya
William Marrion Branham
 "...mu minsi y'ijwi ..." Ibyah. 10:7